

MUTUMWA WAKU MANGOLEZYA

 Nda kulumba, kpati. I Mwami amu longezye.
Inga mwa kkala.

² Mwana wangu wali kutala sunu, elyo wa ti, "Bataata, Ndi lombozya kuti ni twa kabona mbungano eyo katutana talika kuyaka yesu, mbusena buboto boobo." Elyo wa ambaula kujatikizya...Kati, "Nsena swaana mukutausi pe, pele ikuti na muntu mubotu mbuli mukaintu wakwe, ncobeni muntu mubotu." Aboobo tuli kkomene kuba kokuno.

³ Elyo Ndi—Ndi langila kumbele ku i—i muswaangano sunumasiku, kuti Leza uli mukutila zileleko Zyakwe ali ndiswe a kutu gwasya.

⁴ Lino tuli...Nda njila buyo, elyo Nda mvwa Mukwesu Williams, Nda syoma, kwaamba cintucimwi kujatikizya kuba ku Ramada. Elyo Ndi yeeyela kuti kwaambilizya kwa kacitwa, kujatikizya ceeco. Kanji bala cimamela eco Nke tana njila. Elyo ncobeni tu langila kumbele ku ciindi cipati kunselelo ku muswaangano mupati. Elyo cibeela cangu okuno nku baanga kuya buzunguluka akuswaana bakwesu akuba aluswaanano akati ka bantu, a kukomba kuti Leza uyo tupa i—i musyobo weeleda wa kukopa, elyo mpawo inga twa unka nkoonya kugama mu Ramada mu muswaangano mupati. Elyo aboobo tu sola kuswaya mambungano oonse ayo aakonzya, kusikila ku ciindi eco. Elyo tu jisi ciindi cibotu. Incobeni tuli mukuba a ciindi cibotu loko ku luswaanano lwaakati ka babunyina.

⁵ Elyo kanji Ndili...Uli onse ulizi kuti Nseli mukambausi uukubwene pe, Ndi baanga ni sipeya taya. Pele Ndi—Ndi... Mulimo wangu ngwa kukombela baciswa. Elyo Nda...Twa kali syankene loko ku masiku, a zintu, kusikila nciyumu kujana busena bukubwene bwa kucita booboo. Elyo tuyu sola ikuti na twa...cindi twa sika mu masena awo mpo tukonzya, mukati muno, kuvozya makkaadi a kuleta bantu mukati a kuba kombela. Pele mukuba a muswaangano wa busiku bomwe ku ciindi, eco ncota konzyi kujana sunumasiku elyo mpawo inga babasyanikizizya kulaale kunselelo kumwi kumbi busiku butobel, a kusule kwini okuya kubusena bumwi bumbi, aboobo nzila eyo Nda kabaanga ndabamba buyo ii—ii mubandi muniini—ii muniini busiku abumwi ku bantu, aku bubota oko Nkwe konzya kubaanga...ku lulemeko a bulemu bwa Jesu Kristo, a kuli Oyo toonse ngo tuyanda a kusyoma, a aluswaanano lwesu antoomwe.

⁶ Nda yeeyela mwakamvwa ntenda mu kkona, kaindi buyo kaniini kainda. Ta ndizi na muntu waka jaigwa, na kufumbwa mbwa kabede, mootokala wakainda mo. Twa leka buyo, bbala

buyo lya mupailo, ziindi zisyoonto zyainda. Kutandila milongo ya mayake yobilo atala alya umwi mpa kauma mu mabali akukomwa lweendo lonse kutala lya kagwagwa. Elyo muntu mupati waka vumbwa okuya. Elyo basilikali bakaliko, pele Nse yeeyi kuti ambulansi yaka sikide kale okuya. Ba leeled... Ikuti na tii caka jaigwa, cakali ncobeni... Kuuma ku lubazu *olu* a kuuma nzila yoonse kwiinda ku mulyango ku lubazu lumbi, aboobo kweelede kuti kwakali kuuma kupati loko. Nywebo mulizi, cili buyo...

⁷ Twe elede kubelekela Leza miniti lyonse. Ta tuzyi ciindi—ta tuzi ciindi ezyo zintu nozya kucitika. Ndiza tu yeeya kuti ta eikabi ndiswe, pele mulizi kuti inga caba, nywebo mulizi. Aboobo, Nda syoma Jesu wakati, "Ko libambila," nkambo ta tuzi miniti na oora eelyo ndo tukonzya kwiitwa. Elyo mpawo tuyu unka ku busena oko nkoba tajisi ntenda, nkabela kunyina mapenzi. Tuli kkomene kapati kuti kuli busena buli boobo mu cisymezyo.

⁸ Nywebo mulizi, muyeyeo nguwenya, sunumasiku, wa—wa kubona kuti inga twa sukamina busena mbuli booboo, eco citondezya kuti kuli busena mbuli booboo. Mwabona? Elyo tu lizi kuti zikozyanyo zyonse, zimvule zyoonse, kweelede kuba cintucimwi ca kupanga cimvule. Ii cimvule ncitondezyo. Aboobo ikuti na kuli buumi mbuli obu, citondezya kuti ncimvule, mpawo kuli buumi bwini kubusena bumwi buli mukutondezya. Mwabona? Nywebo mula bona musamu, obo musamu mbouli mubotu. Elyo mulizi eco mbocibede na? Calo ncikozyanyo ca, cimvule, ca Musamu wa Buumi ku Julu.

⁹ Lino, nywebo mulizi, cindi Leza nakasika ku nyika, cindi Na kali kukumba atala lya nyika ku matalikilo, alimwi ndiza cintu citaanzi caka boola bwakali i—i poliwogi, mbuli banasayaansi mbo basola kwaamba. Cintu citobela kwayanda cakali cintucimwi... Nda syoma mu Sumpuka kwini kwa Bunakristo bucebuce, pele Nse cisyomi coonse kuzwa ku seelo lyomwe. Nda cisyoma buyo... Leza wakapanga pilowogi, elyo mpawo Wa kapanga nswi, elyo mpawo Wa kapanga cintucimwi cimbi. Elyo buyo... Nda syoma mu kulibonya, kutali kwiinda ku seelo ndilyonya, pele cilenge caandee ciindi coonse.

¹⁰ Elyo kumalekelo Wa kazumanana, kuboola musyobo waatala maningi, elyo kwiinde kaindi caka tondezya Umwi oyo wakali kucita kukumba, oyo wakali Leza. Lino, kutondezya kuti mbo mbubo, cindi Leza nakaba mu mubili wabuntu wakali Jesu Kristo, muntu. Mwabona? Aboobo, kutali Angelo, muntu. Aboobo ciinka kutondezya kuti caka Mu tondezya.

¹¹ Elyo, oh, eli Bbaibbele lyakaindi lizwide tubalululo tuyandisi twakaindi twaluzyalo. Ndi buyo... Ndi yanda buyo kuyandaaula zyabuvubi (embo na?) a kunjila buyo omuya a kukunkumuna lusuko loonse kuzwa kuli Ndilyo, a ku Li langa

a kubona obo mbo Li bede. Obo ngale, nobantu bakookuno ku Arizona, ngale zipati zizwa ku suko lya nyika. Oko nko zizwa. Alimwi ngale zya Leza zila gusigwa kuzwa ku suko, akwalo. Elyo Wa... Tuli kkomene kapati kuti Ula tupa coolwe ca kuunka mu kubambululwa Kwakwe kupati, a masifwilila ononse alagusigwa.

¹² Nywebo mulizi mbo bakali kucita? Mubwini, nywebo no bantu ba Arizona mulizi obo mboba...kaba taninga kuba a cakweenzemusya, obo mbo bakali kusalazyia ngolide. Twa kaambilwa kuti baka bweza ngolide a kwi ionda. I bama India bakaindi bakali kucita eco, kwi ionda. A kwiisandula koonse, akwii onda a kwii onda, kusikila bagusya masifwilila kuzwa kuli njiyo. Elyo nzila mboba kaziba kuti zyoonse zyakali zwide (oonse piraiti a zintu zili muli njiyo, zyoonse ezyo), cindi niba kazyi nzila, sikoonda waka bona kutondezegwa kwakwe muli njiyo, wa kali kukonzya kulibona mwini. Mpawo wa kalizi kuti yakali kuboola kunjoloma, cindi yatondezya cinkozya cakwe cini.

¹³ Elyo, nywebo mulizi, Ndi yeeya kuti Leza uyanda kucita Mbungano Yakwe munzila eyo, koonda kugusya inyika yoonse kusikila kutondezegwa kwa Jesu Kristo wapona muli umwi aumwi wesu nkabela tula tondezya Buumi Bwakwe. Mpawo tuli libambilide mpawo kuli Bakwe... Ula litondezya Mwini kwiinda muli ndiswe ku ciindi eco, cindi twa jana... kubikka ambali zitucelezya zyoonse a cibi eco citu nyonganya kapati, kuti tu zuze muzundano alukakatilo uubikkidwe kumbele lyesu, kulanga ku Mukozzano, Mukamwini a Sikulomya wa Lusyomo lwesu, Jesu Kristo. Kkomana loko nkambo ka Ceeco!

¹⁴ Lino, kanji Nda amba busiku abumwi... Nda kati ku Mukwesu Carl Williams, Nda kati, "Mukwesu Carl, balo bantu taba yandi ku ndimvwa alubo, koonse akoonse mu makkuti, kuba bamba mane maora obile na otatwe masiku."

Wa kati, "Ee, ee, koboola."

¹⁵ Aboobo Nda lumba lukakatilo lwanu mu—mu ku nditamba kujoka alubo. Elyo lino busiku abumwi...

¹⁶ Nda kaambaula ku mukaintu wangu kaindi kainda, kuselelo... Uli ku Tucson lino, elyo Nda kati, "Buli buti bube bwaciindi?"

¹⁷ Waa kati, "Buya bukasaala." Elyo waa kati, "Sena mula bamba matobelanwa?"

Nda kati, "Mbungonya buyo, kutandila teeni na ileveni busiku abumwi."

¹⁸ Nda kati kuli nguwe, "Ndiyo jana kulyookezya kumwi cindi Nda kuunka ku Arizona ciindi eci aa muswaangano oyu muniini. Ndi inka ku mambungano ayo, bakwesu abo. Nse kasubuli bantu abo, Ndiyo njila buyo omuya nkabela Ndiyo lekela kwiimba ku citwa, jubibili. Ndiyo licesya lwangu, kubikka bulembu bwangu

kutandila maminiti ali kkumi aosanwe, makumi obile, kwaamba ‘Ameni’ a kuya ku muunzi.”

Waa kati, “Sena uli mumatobelanwa amabambe?”

¹⁹ Nda kati, “Iyi, oyandwa, Ndili; matobelanwa abubambe bwalyonse, kutala ku maoora otatwe.” Bantu babotu maningi; lukakatilo lunji.

²⁰ Ee, atu kotamike mitwe yesu aniini buyo lino mbuli mbo tu Mu langanya. Lino, Ndili masimpe kuti mu bbunga bbotu lya bantu mbuli aba basyoma, alimwi kapati... Nda bona tulo tobilo tubikkidwe awa, bantu bacisidwe a babulide, Ndi lizi bajisi nkumbizyo zisalesale. Kwiina kuzumbaunya pele kuti kuli banji bambi bajisi nkumbizyo ezi. Ikuti na mboobo, amutambike buyo maanza anu a kocizibya buyo mbuli mbo munyamuna janza lyako. Elyo eno mu mupailo Ndila unka kukombela bantu aba mu tulo otu, kuciindi—kuciindi notuli ano, kutegwa tube masimpe ku cimvwisy. Ikuti na cintucimwi cacitika... Ba kali kusyomeka kwini kunji kwa kuletwa mukati awa, Ndi yanda kuti nyoonse mupaile antoomwe a ndime.

²¹ Taata wesu Wakujulu, twa bikka ambali lino mizeeo yoonse imbi, kusalazya mizeeo yesu, alimwi tu boola mu Busyu Bwako ku kusalazya kwa buntu bwesu. Elyo tu leta kumbele lyesu Bulowa bwa Mwami Jesu. Tuli muku lyaambilila kuti ta tweede ku cilongezyo cili coonse eco Nco nga wa tupa, pele nkaambo kakuti Wa kafwa kutegwa tu kakonzye kujana zilongezyo ezi, a ku twaambila kuboola acamba kumbele lya Cuuno cabwami, kuti tu jisi nzila ku zilongezyo ezi kwiinda mu luzyalo lwa Mwami wesu Jesu, Oyo wakasika ku nyika, Emanueli, a kubweza busena bwa sizibi. Wa kaba *ndiswe*, oh, kutegwa tube *Nguwe*.

²² Ino oko nkucincana, Mwami! Ii buumi, bwaangidwe ku gehena obo mbo twa kajisi, a kuziba kuti Umwi wakasika a kubweza buumi obo aali *Nguwe*, a kusalazya zibi zyesu kwiinda ku kutilwa kwa Bulowa bwa Buumi Bwakwe Mwini. Kula inda myoyo yesu mboi konzya kuyeyya akwalo, Mwami. Elyo mpawo, kunze lya zyoonse ezyo, Wa kabamba nzila ya kugusya milandu yesu a kutu ponya kwiinda ku mibunda Yakwe. Tuli lumbide loko kuti Wa kasyomezya kuti Uyo tubamba kuba kabotu kuciindi notu Mu belekela.

²³ Elyo lino sunumasiku, Taata, kuli nkumbizyo zinji zyali... a maanza abo aatambika. Tu lizi kuti Uyo lemeka umwi aumwi wabo, mukuziba eco cili kensi lya janza, mu moyo.

²⁴ Elyo Nda lomba, Mwami, kuti Uyo yeeya Ijwi sunumasiku mbuli mbo tu Li bala; a kuyeyya aali Ndilyo mbuli ciyo ciniini, mbuli cikolo ca Munsono, kuti tu konzye kuzwa okuno sunumasiku a—a kuba a ceeci mu myoyo yesu, tuteeti tulimvwa mbuli kuti inga twaba munsi loko kuli Nduwe, kuyabuya, kwinda mbo twabede cindi nitwa njila. Ako nkekaambo nco tuli

waano, kutegwa inga caleta lubukulusyo ku cisi coonse, muku taziba buyo cindi noukonzya katalika, pele a bulangizi kulanga kumbele kuli ncico, Mwami. Tu bikka nguzu zyoonse zya bantu nzo tuzi nzila ya kuleta lubukulusyo olo luleta baalumi a banakazi, balombe a basimbi, ku luzibo lwa Kristo lwa kuvuna.

²⁵ Tu yanda ku Kulumba ku mbungano eyi, ku mweembeli wayo mubotu a mukwasyi wakwe, akuli bamadaikona, basyomesi boonse, akuli boonse mbo iminina. Twa Ku lumba kuli baabo basintaze ku kwiimina munsi. Elyo, Mwami, twa lomba buyo zilongezyo zya Leza kazikkala ali mbabo. Longezya kusoleka koonse. Akube kuti eyi ibe sitesyen, Mwami, oko kkuti lyoonse okuno nkoli konzya kunjila a kujana kupumuna. Ko cipa, Taata. Akube kuti mipailo ya mweembeli yiingulwe nkambo ka balwazi. Akube kuti mipailo yakwe yiingulwe nkambo ka lufutuko, kuli boonse abo banjila mukati—mu busena busikwa Makanimabotu. Akube kuti zilongezyo Zyako zibe ali nguwe. Elyo akube kuti mbungano itabuli cipego cakumuuya, akube kuti ibe busena, mbungano ya mukozyanyo ku bukkale boonse. Ko cipa, Mwami.

²⁶ Lino, Taata, kuli kkede aa tulo awa sunumasiku, abo tacikonzyi kukkalikila a kubotelwa muswaangano, mbaabo bata jisi coolwe eci. Elyo babikkwa omuno mu nzila imwi, sunumasiku. O Leza, koba aluse! Ndi yeeya kuti, “Ino kuti wakali mukaintu wangu na mukwesu wangu, na muntuumwi oyo wali bbululu, oyo Ngwe kazi kabotu loko?” Nca muntuumwi, alimwi Nda komba, Taata, kuti luzyalo lwa Leza, a nguzu Zyakwe, ziyo selemukila mu kwaangulula kwa Buleza kuli mbabo sunumasiku, a kubaangulula kuzwa ku tulo otu. Akube kuti bata kabi mu tulo otu limbi kwiinda muswaangano oyu sunumasiku. Akube kuti, cindi bazwa, tulo twa kasiigwa musule. Akube kuti nguzu, zya kabusya Jesu kuzwa ku bafu, zipononosye mibili yabo kuya ku nseba mpya a nguzu alubo. Ko cipa, Taata wesu. Lino, tu lizi kuti Wa kasyomezya kucicita.

²⁷ Aboobo, kuli lembedwe mu Magwalo, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.”

²⁸ Lino, Taata, kuti ndiza takukabi muntu uli mukusikwa kwabo, kuciindi bamwi noba konzya kusika kuli umwi aumwi, Njo enda mu ciibalusyo ca mulazyo oyu. Elyo, Leza, Ndiyo langila kuba a lugwalo kuzwa kuli mbabo, kuti caka citwa, nkambo Nda inka mu Zina lya Jesu Kristo.

²⁹ [Mukwesu Branham wasiya cibumbili kwa maminiti otatwe acisela ku kukombela abo bali mu tulo, majwi akwe ta mvugwi—Mul.]

Mwami, Nda syoma, O Mwami, Nda syoma,
Zintu zyoonse zilakonzeka, Mwami, Nda
syoma;

Mwami, Nda syoma, Mwami, Nda syoma,
 Zintu zyoonse zilakonzeka, Mwami, Nda
 syoma.

³⁰ Mukuti bonse balindu baka jisi zikoto, kkulenge ali umwi, alimwi, inga Nda pa buyo cakufwambaana bumboni obu buniini, ikuti na Nde elede kufwiinsya kwaambaula kwangu kumwi. Kakutanaba buyo kuzwa ku ng'anda, kaambo ka mamanino nke Nda kajisi kakutanaba kuzwa, ako kakali kaambo kabotu loko, kwakali mulindu a zina lyakwe ngu Dyer; waa kali, Nda liluba zina lyakwe lino. Wa kali dokota Dyer, uzwa ku Louisville. Ii James, Dokota James Dyer, syazibwene wabumwi usilika zikoto, abumwi bumbi, mu Louisville.

³¹ Mwana wakwe musimbi wakalizya piyaano mu mbungano ya The Open Door, uuli Dokota Cauble walo mweembeli; buyo ii, oh, sinagogi, mpati kapati yakaindi iya bama Juda. Elyo muntu lwakwe wakali kuzulilwa ku Mbungano ya Kristo, Mbungano yakabungwe iya Kristo, alimwi waka sandulwa mu kusyoma makani aa Makanimabotu aazwide, muntu mubotu loko. Elyo waa kalizya mu muswaangano wangu cindi Ne kaujisi mu Louisville, ku Memorial Auditorium. Elyo waa kagambwa kubona eco cakacitika, a kusola kwaambila wisi kujatikizya ncico.

³² Wa kati, "Nkulilemeka kwamizeeo buyo. Abo bantu bacisidwe buyo mbuli mbo bakabede lyoonse." Elyo aboobo—aboobo ta ka Li syoma.

³³ Kumalekelo waa kazwa mu mbungano, waa kakwatwa ku mulombe wazwa ku seminari ya Baptisti, elyo kumalekelo wa kazwa ku buzumini bwakwe. Wa kayiisiga kuba mukutausi, alimwi mbuli muna Baptisti mbwa cicita mu nzila eyo. Elyo aboobo ba... Kumalekelo wa kazwa, takali kuyanda kukambauka. Elyo ba kalongela ku bantu bakwe ku Rockford, Illinois.

³⁴ Kumalekelo walo, Jean, katalika kuba a penzi limwi lya kubukaintu. Waa kaunka kuli bawisi ku kulangalanga, kajokeloa ku Louisville ku kulangalanga. Elyo, cindi niba kacita, ba kajana eco citegwa "cikoto ca chokkoleti," cili mu magilandii aabwanakazi. Kugwisya ceeco, bawisi bakwe, a kupandulwa kupati, alimwi kweelede kuti ujisi kutika kwa i—i cikoto muli nguwe. Elyo kumalekelo... Alimwi baka mucita Ekisi-reyi isakene a—a kusilikwa kwa mibili.

³⁵ Elyo aboobo mpawo cindi niba... cindi na kapiluka ku muunzi, nkabela waa kazumanana kuba a penzi.

³⁶ Kutandila mwaka musule baka mujosya ku kulangwalangwa kumbi, alimwi baka jisi kupandulwa ku maninide kwa kugusya luzyalilo. Elyo cindi kucita boobo, taata, a Dokota Humes, uuli ngumwi wa madokotela bapati baku Musanza, bakapandula, alimwi lya kali sakene loko, kkulenge lya kalivungide kale mu

tumbo pati. Aboobo baka musiya okuya mpawo kwa kaindi kaniini. Mpawo waka solede kusilikwa kwa Eki-sileyi alubo, alimwi baka bona kuti tii kwakagwasya, aboobo baka mujosya ku cibbadela ku... Tiiba kakonzya kunywisyah cintu cimbi ca kubamba matumbo aakwe kunyonauka, aboobo bakasola kumusanzya kubalesya kubikka maanzi ku matako. Elyo oko kwa kacita kulesya maanzi kunjila matumbo alimbi.

³⁷ Aboobo mpawo mulumi wakwe wakali kubaanga nguumwi wa basikujana butongo bangu. Elyo aboobo kumalekelo buzuba bumwi wa kaselemuka a kubweza bbuku a kutalika kulibala. (Elyo mwana wangu okuno a Mukwesu Sothmann, ngu umwi wa basyomesi, uli omuno abusena bumwi.) Elyo wakalala buyo aamatantilo aa mbungano, baa, kutandila mazuba masyoonto, kusikila... Nda—Nda kali kulaale mu muswaangano. Kandi jokela Nda—Nda kaunka kuyo mubona. Elyo wa kandaambila, kati, “Lino, tazi kuti ujisi kkulenge.” Kati, “Koya buyo a kwaambaula kuli nguwe a kukomba a nguwe.”

³⁸ Elyo aboobo cindi Ne kamubona, waa kati, “Mukwesu Branham,” waa kati, “mulumi wangu uyo tambula kuponesegwa kwa Buleza,” wati, “nkaambo Nse kakonzya kumucitya kulanga limwi ly a mabbuku, lino ulandi balila peegi a peegi mazuba onse, limwi ly a mabbuku.”

³⁹ Elyo Nda kati, “Nda cimvwa eco, Jean.” Elyo Nda kati, “Lino, Jean, atu kanane a kubona eco Mwami ncayo amba.” Taakwe wakaliko mu kaanda, narsi wakali kotola. Elyo aboobo twa kaambaula kaindi kaniini, elyo kwiinde kaindi mpaawo kwa kaboola cilengaano. Ndi... Walo utandila myaka ili makumi one yakukomena, tana kuba amvwi pe, pele waa kali mupati maningi a kusiyasiya. Nda kati, “Jean, lino, wakali mu miswaangano.”

“Iiyi, Mukwesu Branham.”

⁴⁰ Nda kati, “Ba kacisisa kuzwa kuli nduwe, a kundaambila kuta caamba, pele ujisi kkulenge.” Elyo Nda kati, “Bauso a... Na mulumi wako wakati, ‘Utaambi cintu kujatikizya ncico.’ Pele ujisi kkulenge, Jean. Pele, lino, Ndi yanda ku kwaambila, nkaambo wakali mu miswaangano. I cilengaano tacina kakilwa. Lino Ndila kwaambila, Jean, ngu MBUBOOBU MBWAAMBA I MWAMI! Mwabona?” Mwabona?

⁴¹ Lino, muyanda kuba masimpe ncobeni kuli ceeco, mwabona, kuti i...kuti ngu Mwami. Kutali kuyeyea; mula ci bona. Mwabona?

Elyo mpawo Nda kati, “Uyo pona. Bali... Wa...”

⁴² Waa kati, “Mukwesu Branham, Nda kayeeyela eco kuzwa kumatalikilo.” Elyo waa kati, “Muku komezegwa mu ng’anda a bataata bangu mukuba dokotela,” kati, “Nda—Nda—Nda kaciyeeyela.” Kati, “Nda kayeeyela eco kuzwa kumatalikilo, obo mbo cakabede ncobeni.” Twa kakomba.

⁴³ Buzuba bwa kaccilila, buzuba bwabili musule lya boobo, bakali kuyanda kumutola ku kupandulwa kwa tumbo pati. Oko kwalo, nywebo mulizi, batenda mala akubikka cibikkilo kumbali elyo mpawo mulwazi buyo... kusikila bafwa, kkulenge lila bajaya kumalekelo, kusukumuna matumbo kusowela mu cibikkilo. Elyo cindi niba muciyta kulibambila, a kulibambila kale a kulibambila ku tafule lya kupandulwa, waa kalimvwa bweenzu loko. Elyo ba... waa kaita narsi kuboola a kumu gwasya ku i—i cisambil. Elyo, cindi na kacita, waa kaba kwaambuka kuli kabotu kumaninide. Elyo mulumi wakwe—wakwe takali kukonzya kusika kuli ncico. Elyo buzuba bwabili... Teeba kamutola kutala. Buzuba bwabili, kali kabotu, kwamane buyo kalimbabula, kwaambuka kumbi kumaninide. Aboobo waa...

⁴⁴ Dokota wakwe waka tumina. Akati kakupuka meso a kulila, wa kat, “Nse konzyi buyo kumvwisy, ta tukonzyi akwalo kujana cizibyo comwe ca ncico pee. Ca mana.”

⁴⁵ Lino, lino, bacizi bangu bayandisi, Nse jisi kaambo ka kwimikila awa mbuli mulanda wa Kristo a kwaamba cintucimwi cilubide, nkaambo Njo betekwa ku buzuba obo, a musowe, mbuli sikuupaupa.

⁴⁶ Lino, a Ijwi lya Leza kali jukide, Nse kamupailila limbi Jean cakuta sinizya kwinda Nbwe ka mucitila, mwabona. Twa selemuka buyo mbaakaneyo niini, mukuziba kuti mupailo wa lusyomo waka kombwa. Eco cila cibamba mpoonya awo. Ijwi lya Leza lya kaamba boobo, mwabona, “I mupailo wa lusyomo uyo vuna balwazi.”

⁴⁷ Lino, Leza nguwenya waka ponya mwana musimbi wa Dokota Dyer, uuli ngu Jean... Ta ndizi zina lyakwe mboli bede eno. Pele ulya mwaalumi wakaatambula nconzyo Makanimabotu aazwide. Nkambauko yamanano ku mbungano, okuno wa kali kkede ncobeni kaatambula onse, kalya mulalilo antomwe andiswe, a zintuzyonse zimbi, sicikolo wa Baptisti waka boola ku Mwami ku lubbizyo lwa Muuya Uusalala. Lino, ciinka buyo kutondezya kuti Leza ucili Leza.

⁴⁸ Elyo dokotela, bawisi, mwaalumi mubotu, pele takalina bona cintu cili coonse mbuli eco kucitika.

⁴⁹ Lino, Leza uli jisi ciindi ca zintu zyoonse. Elyo kuzwa kukusyoma, muli basyomi nyobilo. Aboobo ziindizimwi zintu ezi zila citika ku bubotu. Nywebo mulizi, Bbaibbele lyakati, “Zila beleka antoomwe ku bubotu.”

⁵⁰ Lino, amuyeeye Jobu, oonse masukusyo akwe? Lino, oyo taakali Leza kakoma Jobu, pele wakali Leza katondezya mulanda Wakwe. Aboobo coonse caka beleka kabotu, nywebo mwabona. Elyo mpawo Bbuku lya Jobu lya kalembwa ku mazyalani oonse, ku bumboni. Lino, Leza uli mukucibeleva ku bubotu.

⁵¹ Amuyeeeye buyo, Nda komba, a moyo wangu oonse, mupailo wa lusyomo. Mula cisyoma, alimwi okuya, eco ciyooba ncico, aka kayoba kaambo, amulangilile buyo—buyo ka micelo.

⁵² Lino, kunjila cigaminina mu i—i mulumbe, (banji baimikila), mulumbe muniini wa mangolezya.

⁵³ Elyo—elyo amuyeeeye buyo lino, okuya ku i—ku Ramada, kuyooba bamwi basikukanana babotu maningi ku muswaangano oyu wabaiminizi wa Ramada ciindi eci, bantu Basimakwebo, aboobo nywebo...kumusanza ku Ramada. Aboobo koba masimpe kusola kujanika ku muswaangano oyu. Mukwesu Oral Roberts ulaba kokuya kwa busiku bwa cipobwe.

⁵⁴ Elyo, lino, Ndi baanga ncibeela ciniini ca Tucson, Ndiyo jatilila ku Tucson. Tu jisi imwi kumusanza okuya, ayalo, masiku mu Muvulo ucilila, aboobo ikuti na wacitika kuba kubusena okuya, ee, waka selemukila okuya ayebo. Elyo muyo elela ku...ambweni inga mwandi kkazikila camba kaindi kaniini, nkaambo Nde elede kukanana eco cimwi. Aboobo mula selemuka ikuti na mula konzya Bwabili...masiku Muvulo utobela ku Ramada Motelo, Ramada Inn, ku Tucson. Elyo, mubwini, toonse tu lizi kuti Phoenix mu masena atantamikide ku Tucson. Toonse tu lizi obo, nywebo mwabona, aboobo—aboobo kuselemuka a kubona obo bantu ba malundu mbo bapona.

⁵⁵ Lino atu jule mu Mabbabbele esu kuli Zekariya 14, cipati 6 a 7, Ndi yanda kubala kwa...kujana kuzwa ku ciiyo eci ciniini ca cibalo eco nce Ndi yanda kubweza.

Elyo ciyo boola kucitika mu buzuba obo, kuti mumuni tauka mweki kabotu, nanka kusiya:

Pele ku yooba buzuba bomwe obo buyoozibwa ku MWAMI, kutali isikati, nanka masiku: pele ciyo boola kucitika, kuti i mu ciindi caku mangolezya kuyooba mumuni.

⁵⁶ Lino Ndi yanda ku kwela kuzwa kuli ceeci, *Mutumwa Waku Mangolezya*, ku ci...ku cibalo: *Mutumwa Waku Mangolezya*. Mubwini, inga twaba a batumwa boonse kwiinda mu buzuba, alimwi kwakali batumwa mu buzuba buno abo Mba kaamba, pele kuboola Mulumbe waku mangolezya. Elyo tu yanda kulanga ali ceeco sunumasiku a kubaanga mu nzila mbuli kwiiya kwa Munsono, kwaambaula ali ncico kaindi kaniini.

⁵⁷ Lino, toonse tu lizi eco Zekariya ncakali kukanana, nkaambo kakuti wa kati, “Kuyo boola buzuba obo buyoolanganisigwa ku Mwami, naanka isikati a masiku; pele ku mangolezya kuyooba Mumuni.” Lino, ikuti ni twa kalizi kuti tii bwakali buzuba nanka busiku, inga ca keelede kuba musyobo wa i—i—i buzuba busiyasiya, kubaanga mbuzuba bwa sikunku.

⁵⁸ Elyo toonse tu lizi kuti lusumpuko lweenda kuzwa kujwe kuya kumbo. I lusumpuko lwakale Iwiinda ndo tujisi ngu China. Elyo lusumpuko lweenda kuzwa kujwe kuya kumbo, nkaambo lwaka tobela zuba, elyo lino tu jisi nzila yoonse ku Nkomwe ya Kumbo. Ikuti na twa zumanana kuya ambele, twa jokela Kujwe alubo, mwabona. Aboobo tuli ku mamanino aa lweendo.

⁵⁹ Tula syoma, mbuli Mbungano, kuti Makanimabotu atandila kumana. Tula syoma kuti batumwa bapati kwiinda mu makkalo bajisi, mu mazuba aya akumamanino, myaka misyoonto yainda ili mwaanda, baka lwanina zintu ezi zipati; kululamikwa ku lusyomo, Luther; kusalazigwa, kuli Wesley; lubbizyo lwa Muuya Uusalala, kwiinda kuli ba Pentekoste. Tula syoma kuti tuntu oto twinka kuyo panga mubili uumaninide, mbuli kunyama a kumuuya.

⁶⁰ Cindi muvwanda azyalwa kabotu, ncinci cintu citaanzi? I cintu citaanzi cipasuka, ngu maanzi; cintu citobela, ngu bulowa; alimwi cintu citobela, ngu buumi.

⁶¹ Johane Mutaanzi 5:7 wakati, “Kuli zyotatwe zipa bulunguluzi ku Julu, i Taata, i Ijwi, a Muuya Uusalala: alimwi aba botatwe bali bomwe.” Balo bali Bomwe; to konzyi kuba a Taata kakutakwe kuba a Mwana, to konzyi kuba a Mwana kakutakwe kuba a Muuya Uusalala. Mwabona, balo bali Bomwe. “Pele kuli zyotatwe zipa bulunguluzi mu nyika, maanzi, bulowa, a Muuya: nkabela zila zuminana muli comwe.” Tazili comwe, pele zila zuminana muli comwe. Mwabona?

⁶² Lino, inga wa lulamikwa kakutakwe kusalazigwa; inga wa salazigwa kakutakwe kuba a Muuya Uusalala. Mwabona? I Muuya Uusalala Mbusyu bwa Kristo bukkala mukati ibwa nguzu, mu Muuya. Lino, tula bona kuti zimvule zyakunyama zitondezya zya kumuuya, aboobo Mbungano ili mu makusima kwayo kumaninina lino: kululamikwa, kusalazigwa, lubbizyo lwa Muuya Uusalala. Twa kazwaa kwiinda mu Makkalo aa Mbungano ali Ciloba, ku muunzi, kutondezya ayo cabubotu.

⁶³ Elyo, ku nzila, sa kuli umwi waka sola kwaamvwa mateepu aa makkalo aa mbungano? Aa ciindi camamanino Ne kajisi makkalo ayo akwadulowa okuya aa bbulakiboodi, nkabela Taata Wakujulu ulizi kuti obu mbwini, cindi ni Nda ka lumanizya a bubotu Mbwe kali kukonzya, kunsi lya bunanike obo Leza mbwakali kuno ndipa, oyo Angelo wa Mwami ngo mubona mu cifoto (banji bakabona cifoto eco, embo na, Mumuni oyo?), Wa kaselukila moonya mu kaanda, kumbele lya bantu bali myaanda yotatwe na yone, kaunka nkoonya ku lubazu lwa bulambo (mbuli Mumuni mbuli oyo) a kudulowa makkalo ayo aa mbungano kwiinda muli Lwawo. Toonse twa kaima awo Ku langa, ka Ulangilila kaudulowa bukkalo butaanzi bwa mbungano, i bwabili, bwatatu, a bwane, bwasanu, bwacisambomwe, a bwaciloba.

⁶⁴ Lino, kuli bantu bakkede awa abo bali bali mbakamboni ba ceeco. Tambika janza lyako ikuti na cili boobo. I Bbaibbele lyakati, “Mu mulomo wa bakamboni bobilo na botatwe.”

⁶⁵ Bantu boonse bakakkede aya, kabakwiila a zintu zyoonse zimbi, Nda kati, “Okuya! Lino, mwali kuyanda Kuu bona, bantubonse inga ba Ulanga ncobeni.” Ileveni okuloko mu buzuba, nkeimvwi mpoonya alya aa bulambo, a kudulowa ayo makkalo aa mbungano, eco buyo Muuya munji, elyo mpawo mudima kutondezya kuti Muuya waka syanikizigwa a kwiinda mu Bukkalo bwa Musinze a kujokela mpoonya ansi alubo, nzila buyo Mbwe ka cidulowa. Elyo tuli cijisi, zifoto zya njiyo, a zintuzyonse kazidulowa, kazilengelela aa bulambo. Elyo nceeco mbo cakabede mbubonya buyo. Kweelede kuti wakali Muuya wa Mwami waka kkutila kuti ayo akamanizigwa, nkaambo Wa kapiluka a kusimpikizya kuti eco cakali luleme.

⁶⁶ Elyo tu ponena mu Bukkalo bwa Mbungano ya Laodikeya, bukkalo bwa mbungano bувубиде obo buyeeya kuti taba bulide cintu, a kutaziba kuti bali cinswe, basampukide, boofu; elyo taba cizyi, mwabona. Lino, boonse abo, kukozyanya.

⁶⁷ Lino, zuba ndilyonya limweka mu i...lilapasuka Kujwe ndi zuba ndilyonya libbila Kumbo. Lino, atwiime buyo aniini kutondezya ntalisyo ya mulumbe oyu. Tu lizi kuti zuba, ngu z-u-b-a, bubambe bwazuba amapulaneti. Pele i M-w-a-n-a wa Leza waka seluka, mu kubweka kupati kwa Leza a Mumuni wa Leza, Kujwe. Elyo twa kajisi myaka ili zyuulu zyobilo lino, kalanganisigwa ku Mwami, Wa kati, “Ciyooba ciindi eco citakabi isikati a masiku, kubaanga mbuzuba busiyasiya; pele mu ciindi caku mangolezya kuyooba Mumuni.”

⁶⁸ Lino, ikuti na mwalandisya, Muuya Uusalala wakawida bantu Bakujwe lutaanzi. Mpawo twa kajisi ciindi buyo caku njila zikombelo amamanino masyoonto aku bwezegwa, a twaambo tuniini twa kulwanina. Pele mpawo ku ciindi caku mangolezya, ku munyinza wa Kumbo, kuyooba Mumuni. Elyo tuli ku ciindi eco eno! Lusumpuko lwa kasika mbuli mwaakwe mupati uzwa Kujwe, kubweza cibi ciindi conse mbuli mbo lwakasika, nkabela lwa kauma ku Nkomwe ya Kumbo mbuli saundi bbaria, nbabela lwa kawida kusule, a busena bukulumpala maningi obo Mbwe zyi buli ku Nkomwe ya Kumbo. Kufumbwa cintu nco muyanda kuyeeya, bali cijisi, cibi, bubi, kulekena, kukwata, Hollywood, cidindi nciconya ca gehena! Obo mbombubo ncobeni.

⁶⁹ Nda syoma mu busalali bwa Bbaibbele. Elyo Nse syomi mu bubi obu a zintu zibolede azibi zipa mukozyano kumbele lya bantu besu, zitegwa Hollywood. Elyo lyoonse Nda kali kwiilwana. Elyo Ndi yeeya kuti muntu oyo ujisi Muuya wa Leza muli nguwe inga uyo cilwana, nkaambo Muuya wa Leza inga wapa bumboni kuti “cili lubide” kuli nguwe.

⁷⁰ Lino Ndi yeeya kuti eyo njimwi ya i... Twa kali kuunka ku Paris kujana zyelesyo zya basimatanda zyaku samununa banakazi besu, eno Paris yaboola okuno kubweza zyesu. Mwabona? Hollywood nji solelola inyika. A mafashoni aampuwo nge tu jisi sunu, kwiindilila France (amuyeeeye buyo ceeco!), obo busena, bwa kukolwa, kukwankwana abwaamu, elyo nekubaboobo Hollywood ila bwiinda obo antoomwe.

⁷¹ A matelevizhioni esu onse, zintuzyonse nzoba jisi muli ngao zitabambulwidwe kabotu, kudana buyo kubbi, a bubi bublede, kwa kanjilana mu zintuzyonse. Elyo bantu, dyabulosi... Teeba katulekela kutuma bana besu ku—ku zipekupeku myaka yakainda, swebo ba Pentekoste bataanz, pele lino dyabulosi waka sobelela omwe okuya aku cibikka moonya mu ng'anda ali ndiswe. Nywebo mwabona? Aboobo wa leta buyo cifwanikiso ku tondezya moonya mukati.

⁷² Lino, alimwi ci—ci li i—i cintu ciyoosya ku—ku yeeya kuti nyika yanjila mu bubi obu, nkaambo koonse kutukana kwa batengwani, nywebo mwabona, a kwiibuka buyo mu nzila eyi, kuboola a lusumpuko.

⁷³ Pele ciindi coonse... Ndiyo kambauka bumwi bwa mazuba aya, na Mwami wayanda, mu mazuba masyoonto, aa *I Kkauntidauni*. Nywebo mulizi, Nda—Nda syoma mula tobela, elyo aboobo tu—tu bona buyo okuya eco cicitika. Leza ula konzya kucita cintucimwi a Mbungano Yakwe, ayalo, ciindi coonse, nywebo mwabona, kuciindi zintu ezi no zizumanana. Elyo lino tuli ku ciindi camamanino, alumbwe Mwami!

⁷⁴ Bukkalo abumwi bwa kajisi mulumbe a mutumwa. Leza waka cibona eco. Onse... Akwalo mu makkalo aa mbungano, tu jana kuti bumwi bwaka jisi mutumwa, alimwi umwi aumwi wakapona bukkalo bwabo; alimwi umwi umbi waka njila, alimwi umwi oyo wakazwa; alimwi umwi umbi waka njila; kuyabuya ansi ku bukkalo bwa mbungano yaciloba; nyenyezi aimwi, angelo aumwi wa mbungano, aumwi mutumwa.

⁷⁵ Elyo tu jana kuti, ku bukkalo bwa mbungano yamamanino, omuya mu Ciybunuzyo 10, kuleede kuba kulila kwa mweembo, elyo kwakali majwi ali ciloba akandindima ku... Ta kazumizigwa kulembwa. Pele caka namatikidwe kusule lya Bbuku, zinamatizyo zili ciloba zyakali kusule lya Bbuku. Bbuku lyamana kulembwa, mpawo Lya kanamatikwa kaindi okuya a zinamatizyo zili ciloba. Lino, taakwe uzi mbo zibede. Pele Lya kati, "Mu mazuba aa angelo wamusau abibili kalizya Mulumbe wakwe," oyo ngu angelo *waansi*, eno.

⁷⁶ Nkaambo *oyu* Angelo wakaseluka kuzwa ku Julu; alimwi *oyu* wakali aa nyika; *angelo* walo "mutumwa," mutumwa ku bukkalo.

⁷⁷ Elyo mpawo tula bona kuti Wa kabikka Wakwe... kajisi fulicoongo atala lya mutwe Wakwe a kutambika janza Lyakwe

a kukonka kuli Oyo uupona kwa lyonse a Lyonse, kuti ciindi ta ceelede kuba limbi (cindi aya majwi ali ciloba naka ndindima, minzumo iili musanu aibili ya kandindima majwi ayo). Elyo Wa kabaambila, "Muta lembi, pele koli Na matika." Elyo twa kajana kuti kwakali kusule lya Bbuku.

⁷⁸ "Pele cindi angelo waciloba naka manizya Mulumbe wakwe, kusinsima kwakwe kwa buzuba, mpawo maseseke aa Leza eelede kumanizingwa," boonse balizi kuti Bbaibbele lyaamba boobo. "I maseseke aa Leza, obo Leza mbwabede, Oyo Leza mbwabede, a koonse kujatikizya nzila mu lubapatizyo a zintu, kuti zyoonse zyeelede ku sitikizingwa mu buzuba obo."

⁷⁹ Aumwi mutumwa waka jisi mulumbe wakwe, alimwi i—i mulumbe a mutumwa wa bukkalo. Elyo cila gambya kapati kuti aumwi mutumwa... Akwalo twa kajana mu makkalo aa mbungano (elyo sunumasiku tuyo jokela mu Cizuminano Cakale a kujana kuti ncintu nciconya) kuti Leza ulatuma mutumwa wa bukkalo obo ku mamanino aa ciindi; lyoonse ku mamanino, kwiina ku matalikilo. Ku mamanino!

⁸⁰ Lino, mbuli bukkalo bwa Luther mbo bwakayabaala, mpawo Wesley wakanjila. Elyo cindi kusalazigwa kwa Wesley nikwa kayabaala, bukkalo bwa Pentekoste bwaka njila. Mwabona? Walo lyoonse mutumwa ujula mulumbe mupya ku mamanino aa iwa kaindi. Bwalo mbukkalo abumwi bwa kacitwa. Tu lizi obo kuba bwini.

⁸¹ Eci cila loolola ziindi zyoonse kwiinda mu Bbaibbele. Tu jana kuti mu Magwalo asetekene, lweendo loonse do, kuti nkoonya kumamanino a bukkalo obo bwakale a bumwi bupya kabuboola mukati, bukkalo obo bwa kayabaala a bukkalo bupya bwaboola mukati, Leza ulatuma mutumwa.

⁸² Elyo mbuli lyoonse—lyoonse, ciindi coonse ku mutumwa aboola, lyoonse nkwiitwa kujoka ku Ijwi, taci kakilwi. Amuyeeye, Eci nciyubunuzyo cimaninide ca Jesu Kristo, taku konzyi kuba cintu ciyungizingwa kuli Ndilyo na kugusigwa kuli Ndilyo. Calo nciyubunuzyo cimaninide ca Jesu Kristo. Elyo nzila biyo njo tukonzya kuba masimpe: ikuti na cintu cimwi cabuka akati kesu eco ciimpene ku ciyubunuzyo eci, nkokuti cili lubide. Mwabona? "Kofwamba kujokela ku Ijwi!" Elyo lyoonse kwiita kujokela.

⁸³ Elyo mu kaambo koonse mu Lugwalo, kaambo koonse, Leza ubelesya musinsimi kwiita bukkalo obo kujoka, lyoonse. Taakwe ku—Peepe, taakwe ciindi comwe ca kukakilwa, Ula tuma lyoonse i—i musinsimi! Elyo lino nkaambonzi Nca citila ceeco? Nkaambo kakuti Bbaibbele lilaamba, "Walo musinsimi oyo Ijwi lya Leza nkoli boola," sikuyubununa wa Ijwi.

⁸⁴ Lino, Ndi—Ndi—Ndi syoma kuti Nse mvugwi kabotu. Mwabona? Ta ndi kanzili ku tamvugwa pe, pele Ndi pandulula kuba uusyomeka a usyomeka ku kwittwa. Tu yanda kuba boobo.

⁸⁵ Lino, Leza lyoonse ubelesya i—i musinsimi, i muntu. Ikuti na wabelesya nkamu ya bantu, ula jana mizeezo yandeene; mwabona, muntu aumwi, muntu bobilo. Taakwe Na kajisi basinsimi bapati bobilo aa nyika ku ciindi comwe. Ula bweza omwe, kutegwa umwi akonzye kubweza busena bwawo wa buzuba bumbi, mulumbe umbi. Ta jisi bobilo, Uli jisi omwe ku ciindi.

⁸⁶ Elyo Leza mupatikampatila ta cinci bubambe Bwakwe, We elede kukkanala lyoonse a ceeco Nca katalika. Ako nkekaambo tula konzya kuba a kaanzambwene muli ceeco Nca amba, Ta konzyi kucinca. Ikuti na Wa kafutula muntu aa mbaakani ya lusyomo lwakwe muli Leza, muntu utobela uyo elela kufutulwa nzila njionya.

⁸⁷ Cindi Leza nakabamba busena awo Mpa kali kukonzya kuswaanana a cilenge Cakwe, Adamu wakasola kuli bambila nzila mwini, a kubamba matu aa mukuyu a mukaintu wakwe, ku panga tusila. Leza waka cikaka. Elyo Leza wakasala bubambe na mbaakani Nja kalino swaana muntu akuba a luswaanano a nguwe, nkabela obo bwakali bulowa bwakatika. Elyo Tana kwiicinca.

⁸⁸ Lino, mbuli Methodisti kuya ku Baptisti, inga twa suka maanza kuli umwi aumwi. Pele aa mbaakani akati ka Methodisti a Baptisti ta tujisi zintu zikozyenye, Ndi kwelela ku Baptisti nkabela mu kwelela ku Methodisti, na bumbi. Pele kuli mbaakani yomwe awo basyomi boonse mpo bakonzya kuswaangana, oko nkuunsi lya Bulowa bwakatika. Awo mpo tuswangana a kubikka ambali zintu ezi zyoonse. Aboobo toonse tatu konzyi kunjila mu kabunga komwe, tatu konzyi kucita eco.

⁸⁹ Otu tubunga tuniini, Ndi yeeya kuti Leza wakali muli ncico, cintu coonse. Pele bantu... nkaambo tuli andeene. Muntu aumwi ula bona bwandeene, muntu aumwi ula bona bwandeene, kwiina mizeezo yobilo iikozyenye ncobeni. Taakwe bantu bobile bakozyenye kumaninina, bala taminina; taakwe mpemo zyobilo, taakwe mbata zya caala zyobilo. Mwabona, twa kabambwa bwandeene, nzila eyo tweelede kuba a nkamu zyandeene.

⁹⁰ Pele Leza lyoonse ubeleka a mugame. Ta kufutuli nkaambo uli muna Methodisti; Ta kufutuli nkaambo uli muna Baptisti; Ta kufutuli nkaambo uli muna Pentekoste. Ula kufutula nkaambo Wa beleka cigaminina a *nduwe!* Elyo waka futulwa aa mbaakani eyo, kuti wa cizumina. Aboobo nkikaako, Leza, kubeleka a nduwe, Ta beleki a nduwe mu ncililano ya mbungano Yakwe, Ula beleka a nduwe mbuli mugame.

⁹¹ Nkikaako cindi Leza naka tuma basinsimi Bakwe, batumwa Bakwe ba Cizuminano, Wa kakanana ku muntu omwe, nkabela oyo muntu wakacita kuleta Mulumbe. Bamwi bakaunka kuzwa kuli nguwe, koonse, kuleta Mulumbe nguonya. Pele kwa keelede kuba masena amwi aayendelezya. Leza lyoonse wakali bujisi.

Ndili lumbide kuti Uli kujisi sunumasiku; oyo Muuya Uusalala, mubwini, toonse tu lizi. Lino, kutali nkamu imwi, pele Muuya Uusalala Mbusena bwa kwendelezezya a Leza. Oyo Mutumwa wa Leza wa oora.

⁹² Lino, nkambo mbo cibede, ku musinsimi oko Ijwi lyoonse nkoli boola, ikuti na mbasinsimi bakasimpe iba Ijwi, Leza ula simpikizya Ijwi Lyakwe kwiinda ku musinsimi oyo.

⁹³ Lino, kwakali basinsimi banji babeji, twa kali jisi kwiinda mu makkalo. Tula jokela ku Cizuminano Cakale, kuba bona kaba nyamuka a kukanana mu Zina lya Mwami, nkabela cakaliti cakali kabotu. Leza taka jisi cintu cakucita a ncico. Ta simpikizyi cintu cita Ijwi Lyakwe Mwini. Kufumbwa nzila, inga Ta eendelezya mulimo Wakwe mbuli booboo. Mwabona?

⁹⁴ Nywebo amuyeeye buyo, Leza usimpikizya buyo Ijwi Lyakwe! Elyo musinsimi buyo wakasimpe ngu... Elyo nzila buyo njo konzya kuziba naa ngwa bwini na pe, nkwiinda ku Ijwi. Eyo nje nzila yaku mubeteka.

⁹⁵ Lino ikuti na mwalandisya, mbuli mu mazuba cindi—cindi Mikaya, mpaawo kwakaima basinsimi ba Hebrayo bali myaanda yone, kumbele lya Ahabu a Josefati, a kwaamba, “MBUBOOBU MBWAAMBA I MWAMI, ‘Kozumanana kuya kutala ukasumpuke.’” Munzila ya mulao bakali luleme. Mpawo Mikaya wakaitwa aa cilawo, umwi oyo ngu bakasulaikide boonse. Lino, cakali kuboneka mbuli kuti... Myaanda yone (Nsya—Nsya ambi basinsimi ba Baala) Basinsimi ba Hebrayo bakaima a kuzuminana komwe, a kwaamba, “Muzumanane kuya kutala ku Romati giledi, Mwami uyo mulongezya nkabela muyo sumpuka.” Elyo abo bantu teeba kali basikuupaupa, bakali nanikidwe ncobeni! Pele wabo...

⁹⁶ Mpawo nkaambonzi oyu mulombwana muniini nca konzya kunjila wa zina lya—lya Mikaya, oyo wakali mwana wa Imula, a kujoka a kusinsima ciimpene kuli mbabo? Lino, eco cakatola camba, caka tola kulamwa. Mwabona? Pele mbobuti mbwa kaziba kuti wakali luleme? Ikuti na wali imvwi alya, mbobuti mbo konzya ku ciziba? I nzila biyo njo konzya kucita, nku bweza ceeco muntu ncaamba a ku ceezyanisa a Ijwi. Mwabona? Lino, Mikaya wakali endelene aa Ijwi, nkaambo Eliya, oyo musinsimi mupati waka jisi Ijwi lya Mwami, waka singanya buyo Ahabu a Jezebele a boonse. Mwabona? Elyo mbobuti Leza mbwa konzya kuvuuluka a kuleleka lutuko mpo lwakabede? Mwabona, aboobo tii caka konzya buyo kubeleka.

⁹⁷ Lino, tu jana kuti Leza ula simpikizya Ijwi Lyakwe. I ijwi lya musinsimi, ikuti na musinsimi, nkokuti ngu... uli mukwaambaula kweendelana ku Ijwi. I Bbaibbele lyakati mu busena bomwe, kati, “Ikuti na tabaambi kweendelana ku mulao a basinsimi, takukwe Mumuni muli mbabo.” Mpawo kwiita...

Mpawo oyu mutumwa ulaita Bamwi baitidwe kuzwa. Uli luleme kwiinda ku Ijwi ly a Leza, latondezya kuti uli luleme.

Amubone, amubone, lino tuyu ita basyakacite basyoonto mukati a kuswiilila.

⁹⁸ Nowa wakali kamboni wa Leza ku ciindi camamanino ca zambahngulwe. Lino, amulange obo mulumbe wakwe mbo wakaimpene ku nyika yoonse ya zambahngulwe. Baa, muntu waka yeeyelwa kuba muntu uusondokede. Baa, wakwe... Pele, nekubaboo, wa kajisi ncobeni Ijwi ly a Mwami. Lino, Leza wakakanana kuti Ta “kakonzya kulekela cibi,” aboobo Wa... cindi bantu batalika kubisya, mpawo Leza wakaseluka a Nowa waka kambauka mulumbe wa ciindi camamanino. Cakali cindi nzi? Kakutanaba buyo ciindi camamanino, oyu mutumwa wakabuka. Leza wakatumma musinsimi oyu a mulumbe wa ciindi camamanino. Alimwi wa kasekwa, akufubaazigwa, kubambwa cisesyo, alimwi cita kuvuna kwa beng’anda yakwe mba kafutula. Mbo mbubo. Taakwe muntu wakali kukonzya ku musyoma. Pele wa kajisi mulumbe wa ciindi camamanino. Lino, boonse abo bata kasyoma bakapegwa mulandu, a bamwi abo baka syoma mulumbe baka futulwa. Leza waka bapa Buumi nkabela baka futulwa, alimwi abo bataka Kau syoma baka sweeka.

⁹⁹ Lino, Ndi kozyanisya cintucimwi. Amubone Leza, obo Mbwa kacita eci ziindi zyotatwe.

¹⁰⁰ Elyo zyotatwe mweelwe uulondokede wa Leza. Leza ula londolwa mu butatu, mbuli, “Taata, Mwana, a Muuya Uusalala,” a “kululamikwa, kusalazigwa, lubbizyo lwa Muuya Uusalala.” Ula kalondolwa, nkaambo *butatu kwalo* nku “londoka” kwakwe. *Faivi walo* mweelwe wa “luzyalo.” Seveni ngu... I mweelwe wa “kukomba,” ngu *twelufu*. *Foote* mweelwe wa—wa “kupenzegwa.” Elyo *fifite* ngu “jubbili,” kukomba. “Pentekoste” caamba *fifite*. Elyo, mazuba ali makumi one Musa waka sunkwa, mazuba ali makumi one Kristo waka sunkwa, nywebo mwabona. Elyo cikozyanyo eco coonse. Lino, Leza uli londokede mu butatu.

¹⁰¹ Ndoolo lunyonyooko lotatwe. Lumwi lwa ndulo, cindi Nowa naka njila *mu* bwaato; ciindi cabili, Lota naka *zwa* *mu—mu* Sodoma. Amulangilile, Jesu waka tondeka kuli mbabo, “Mbuli mbo kwakabede mu mazuba akwa Nowa a mu mazuba akwa Lota, Mbubonya mbo ciyooba akwalo mu kuboola kwa Mwana wa muntu.” Amulangilile! Umwi waka *njila*, umwi umbi wa *kazwa*, elyo utobelwa *watanta*. Uh-huh. Mwabona? Uh-huh. Ku *njila*, wa *zwa*, wa *tanta!* Lino, ayo nge malailile aa Mwami. Mwabona, Jesu waka tondeka ku basinsimi bobilo, “Mbuli mbo kwakabede mu mazuba akwa Nowa,” mwabona, “alimwi mbuli mbo kwakabede mu mazuba akwa Lota,” Abrahamu mukuba musinsimi, “mbuli mbo kwakabede, aboobo mbo ciya kuba mu

kuboola kwa Mwana wa muntu.” Mwabona, kutondeka kusule kuli mbabo.

¹⁰² Lino, Musa, musinsimi umbi, ku mamanino aa bukkalo bwa bana Egepita. Tu jana kuti cindi Leza nakali kuyo vuna bantu Bakwe, elyo bana Egepita baka bapenzya bubi loko, a kubamba basiku babelesya, basimalela kuli mbabo, mubwini. Elyo aboobo mpawo kakutanaba buyo lunyonyooko lwabo, Leza, mbuli lyoonse, Wa katuma musinsimi uujisi Ijwi lya Mwami. Amuyeeye, musinsimi wakali kuzibya ncobeni eco Leza (myaanda ya myaka kakutanaba eco, myaka ili myaanda yone a bumwi kakutanaba ceeco) kasyomezya Abrahamu, kuti lunyungu lwakwe luyo endeenda mu nyika nyenzu, pele Uyo bagwisya a janza lyanguzu. Nywebo mulizi, ku citeo ciyaka cindi Musa naka swaana Leza, elyo Wa kati kuli nguwe, “Nda mvwa ntongelo zya bantu Bangu, Nda kabona mafwabi abo, alimwi Nda ibaluka cipangano Cangu.” Kwibaluka Ijwi Lyakwe!

¹⁰³ Amuyeeye, Walo uciyeeya Ijwi Lyakwe! Mwabona? Ta kakilwi, We elede kucita cintu nciconya ciindi coonse. Kaambo nce Ndili mukwaamba zintu ezi, kutegwa inga twa joka mu mizeezo yanu a kuyeeya. Anywebo nobantu baciswa; mwa bona kuti Nda kati “balo” baciswa.

¹⁰⁴ Lino, amubone lino, nywebo nobantu nyoonse mweelede kuyeeya ceeci, kuti Leza takonzyi kucinca! Ngu Leza utakwebucince. Ziindi zila cinca, bantu bala cinca. Leza mupatikampatila, Ta konzyi ku cinca! Yakwe... We elede kacili mbobuca, nguwenya, sunu, kwalyonse, We elede kacili mbubonya lyoonse. Elyo ikuti na twa syoma Eci kuba Ijwi lya Leza, inga twa bikka kaanzambwene kesu aa cintu cili coonse eco Nca kaamba. Mwabona?

¹⁰⁵ Lino, nywebo mwabona awo obo mulumbe Wakwe mbo uboola, obo Mbwa tuma mulumbe Wakwe. Ta konzyi kucinca eco, Wa kacicita lyoonse. We elede kacili mbubonya lyoonse. Eyo nje nzila Mbwa yocicita lyoonse. Lino, amuyeeye, ino Uci cita lili? Kakutanaba buyo lunyonyooko, kumamanino buyo aa bukkalo. Nce cindi Na tuma mulumbe Wakwe kwiita bantu Bakwe kuzwa, (lyoonse balaba nyonganya), elyo mpaawa baboola.

¹⁰⁶ Lino, mu mazuba aa Musa, basyomi baka futulwa, batasyomi bakaloba.

¹⁰⁷ I umwi oyo wakasyoma mulumbe wa Musa kuzwa kuli Leza, lino, niba taka cicita citakuti Musa naka simpikizigwa aa Leza a kutondezya kuti Ijwi lya Leza lyakali a nguwe. Eco caka mubamba kuba musinsimi. Wa kazwa kuya a kwaamba, “Juunza, kutandila ciindi eci, muyo bona cili *boobu-a-boobu* kucitika.” Juunza, caka citika. Kwakali obo. Kufumbwa musinsimi wini wa Leza oyo ukanaana mu Zina lya Mwami uyo cicita. “Elyo ciyo boola kucitika kucil *boobu-a-boobu* ciyo citika.

Ndiya kuli Farao, pele uyo yumya, kuba a moyo muyumu. Uyo amba kuti uyo tulekela kuunka pele ta kacicit." Elyo, caka boola kucitika. Mwabona? Nkaambonzi? Mpawo bantu bakaziba kuti oyu muntu wakatumwa kuzwa kwa Leza. Elyo mpawo baka talika kubona kuti Leza waka mulongezya, nkabela baka mulemeka alimwi, cindi niba kacita, zintu zipati zyaka citika.

¹⁰⁸ Elyo bantu abo baseka a kufubaazya a kuta tambula mulumbe wakwe, ba kanyonyooka a bamwi batasyomi.

¹⁰⁹ Pele basyomi bakaunka a kunjila mu nyika ya cisyomezyo, ba kainka kunsi lya mulumbe uunankidwe wa mutumwa. Wa kali mulumbe wa lwaanguluko, oyo Leza ngwa kasyomezya kuti Uyo leta bantu Bakwe ku nyika ikunka mukupa a buci. Elyo caka citika, nkaambo Leza wa kaambide kale obo, nkabela Musa wakasika nkabela waka simpikizigwa mbuli mutumwa wa buzuba obo.

Lino, eco cileta antangalala loko kuli ndiswe.

¹¹⁰ Neibotu, mpawo tu jana kuti Musa wakatondezegwa cakululama.

¹¹¹ Elyo mpawo ku kucinca kwa bukkalo, ciindi cakasika ku... akati ka mulao a luzyalo. Kwa keelede kusika ciindi cakuti oyu Mesiya wa kaambwa kuti uyo boola. Tu jana kuti ciindi bantu noba kajala mulao, kucibamba coonse kunsi lya nkamu mpati ya cintucimwi, alimwi bakali jisi misyobo yoonse ya—ya tunsiyansiya twa muntu, baka njizya muli ncico. Ku kucinca kwa ciindi kwaka boola Jesu, Musinsimi uumbi, Musinsimi wa Leza.

Lino, yebo wat, "Ta kali musinsimi."

¹¹² I Bbaibbele lyakati Mbwa kabede. "I Mwami Leza wanu uyo busya Musinsimi uli mbuli ndime." Wa kali Leza-Musinsimi, ku kucinca kwa ciindi aakati ka mulao a luzyalo, olo Ndwa kaamba kwa myaka eyi yoonse. Nakamana kupa mulao kuli Musa, mpawo ku kucinca kwa ciindi, cindi Na kati ciyo citwa, mpawo Wa kapiluka ku luzyalo. Elyo Wa katuma Musinsimi kasinsima kwa ciindi. Lino—lino, basyomi, Wa kababunga; batasyomi bakaloba mu buzuba Bwakwe. Boonse abo baka Mu syoma baka futulwa; boonse abo bata kasyoma mulumbe Wakwe baka nyonyooka.

¹¹³ Nce ncico ncobeni caka citika mu mazuba akwa Nowa; nce ncico caka citika mu mazuba akwa Lota; eco nce caka citika mu mazuba ambi, mazuba aa Musa; eco nce caka citika mu mazuba akwa Jesu Kristo. Nkambo baka sampaula mulumbe a kunyonyooka, a baabo bakasyoma mulumbe waka sweeka...na waka futulwa.

¹¹⁴ Lino, lino, mpawo kwasika bubanze bwa mbungano mukati. Twa kapona kaindi mu ciindi ca Nowa, zambahgulwe; twa kasika mu bubanze bwa mulao; mpawo mu bubanze bwa luzyalo,

mbungano. Elyo lino bubenze bwa mbungano buli mukumana. Toonse tu lizi obo.

¹¹⁵ Lino, ikuti na Leza wakacita *boobu-a-boobu* mu bubenze obo, mu mabanze ayo obilo aambi, We elede kacili mbubonya a kucita mbubonya mu bubenze obu, nkaambo Wa kati Uyo cicita. Ndiyo citondezya mu maminiti masyoonto, kwiinda ku Ijwi, kuti Wa kati Uyo cicita. Lino, Ta konzyi kucinca bukanze Bwakwe, Ngu Leza. Amubone eco Nca kacita mu mabanze.

¹¹⁶ Lino twa boola ku ciindi camamanino ca bubenze bwa mbungano. Nce ncico Nce bala sunumasiku:

Kuyooba Mumuni ku ciindi caku mangolezya.

¹¹⁷ Twa kajisi ciindi cilamfu cainda, pele kuyo boola Mumuni. I Mwana nguonya wakasika a kucinca bubenze mpawo, ula boola alubo! Eco ciyooba kuzwa aa nyika kusika ku Bulemu. Tuyo njila muli ceeco. Ciindi cimwi twa kanjila *mukati*, ciindi cimwi ni twa kazwa *anze*, elyo ciindi eci tuyu *butanta!* Mwabona? Yaa: mu, kumasena, kutala. Tu boola ku ciindi camamanino. Elyo ta tubooli buyo, twa sika kale. Tuli ku ciindi camamanino!

¹¹⁸ Ncinzi Leza nca jana mu ciindi eci camamanino? Leza ulajana mu ciindi eci camamanino mbubonya buyo eco Nca kajana mu ziindi zimbi zyakumamanino, kutasyoma! Wa kali boobo lyoonse, Walo, cindi Na boola, Wa—Wa jana kutasyoma. Wa kajana kuti mabambe Nga kabikka ansi ku bantu . . .

¹¹⁹ Kaindi okuya mu ciindi ca Nowa, ikuti na niba kapona kumane mbeta Zyakwe, katuula zituuzyo . . . Zya kazwa kuli ncico. Cindi Na kasika, Wa kajana ceeci, eco cintu cakali kubeleka cilubide.

¹²⁰ I cintu nciconya Nca kacita cindi Na kaboola aa nyika, Wa kajana bantu a ba Farisi, abamwi bambi, kumane mulao. Ino bakali kucita nzi? Kwakanyina kusinizya muli ncico nokuceya, kuzumanana buyo aku cinjizya munzila ili yonse yakaindi, a “Kufumbwa buyo kuti baka sangana mbungano, nkabela nku koonse nkoba kali kuyandikana.” Elyo nce ncico Nca kajana.

¹²¹ Elyo nce ncico Nca kajana alubo! Ula jana cintu nciconya, bantu taba cinci. Aboobo ikuti na Wa katuma bukanze Bwakwe nkabela bantu bakaunduluzya kuya nkabela baka nyonyooka, baka cisyoma a kupona, (lino, ali baabo bobilo), ceelede kuba mbubonya aa ciindi eci. Ceelede kuba mbubonya. Peepe . . .

¹²² Lyoonse cakali kulwana mutumwa kupambula cakale kuzwa ku cipy. Lyoonse cakali kulwana oko, nkambo—nkambo mutumwa kanjila kwaandaana bwakale kuzwa ku bupya, nekubakuti mulumbe lyoonse weeledge kuba wa Malembe, eno, nkambo umwi aumwi wa kaamba kuboola kuli umbi.

¹²³ Lino, atu bweze, kupa mukozyanyo, Jesu. Obo mbo cakali ciyumu, Walo kunjila a kucinca mulumbe kuzwa ku mulao kuyaku luzyalo. Nekubabooobo Bbaibbele lyakati ciyo boola

munzila eyo, "Kuyo boola ii-ii Mesiya, alimwi cituuzyo ca mazuba oonse ciyo gusigwa." Elyo tu lizi caka sinsimwa kwiinda mu basinsimi. Ino cakali cintu cipati kuli Nguwe kucita ceeco. Pele tu jana kuti Wa kacicita. Elyo umwi... Wa kacicita nkaambo Lugwalo lwa kati, a basyomi ba buzuba obo (bategwa mbasyomi) ncobeni tiiba kazuminana a Nguwe.

¹²⁴ Amulange abo ba Farisi, ba Saduki, ba kajisi tunsiyansiya twabo beni alimwi taakwe muntu uyo bazungaanya kuzwa kuli ncico. Nce ncico ncoba kasyoma, banyina bakasyoma ceeco, bawisi bakasyoma ceeco, a syaanyinakulu, banyinakulu baka syoma ceeco, elyo "Musa wakaamba boobo!" Pele Musa nguonya oyo wakapa mulao wakali Musa nguwenya wakaamba Mulombwana oyu kuti uyo boola, alimwi ba kakakilwa ku ciziba nkaambo ba kajisi Ijwi lya Leza lya bwini mu tunsiyansiya alimwi bakaleya kuzwa ku mulao mupati wa Ncico. Elyo ca keelede kuba nzila eyo.

¹²⁵ Amubone, umwi aumwi wakasinsima umwi umbi kuti uyo boola. Umwi aumwi wa batumwa, mulumbe niwa kamana kuboola, wakaambwa kuboola. Lino, pele bantu lyoonse babweza mulumbe wa buzuba oyo ngo baka jisi, bakaubikka.

¹²⁶ Atu cimwaya, aniini ambele kuya ku muunzi, atu lange kuli Luther. Cindi Luther naka kambauka kululamikwa ku lusyomo, wa kali mutumwa, angelo wa bukkalo obo bwa mbungano, ncibotu, wa Bukkalo bwa Mbungano ya Sardis. Lino, amubone, cindi na kakambauka, wa kabikka ba Lutherani mu ncililano. Lino, mpawo, mpaawa Luther wakainka kaya busabalanganya. Elyo cindi Wesley naka njila, Bukkalo bwa Mbungano ya Filadefia, a mulumbe wa kusalazigwa, baa, cakali ciyumu kuli Luther kubona ceeco. Balo bana Lutherani tiiba kakonzya kucisyoma.

¹²⁷ Elyo mpawo cindi Wesley naka zibamba zyoonse zyaka kkalikila ku Piligrimu Holinessi a Methodisti ya Bulubusi, a zimwi zimbi, aa kusalazigwa, alimwi ambali kwa kaboola mulumbe wa Pentekoste, baa, cakali ciyumu ku muna Methodisti kusyoma ceeco. Uh huh, masimpe, mbo cakabede. Mwabona, cili ii...

¹²⁸ Nekubaboobo umwi ukanaganana umwi umbi, ku kanana Camalembe. Enoki wakaamba lunyonyooko lwakali kuboola, ku kukwempwa kwakwe, Leza kamutola ku muunzi; wa kali kamboni. Abrahamu waka baambila zya Musa. Elyo Musa wakaambilila zya Mesiya. Mwabona, bala zumanana kwaamba, umwi kuli umbi. Mesiya wa kaamba zya ciindi ecino, kaamba cintu eci mbo cakali kuyoooba!

Yebo wati, "Aah, Mukwesu Branham!"

¹²⁹ Oh, iiyi, Wa kacita! Atu buyo... Ndi jisi Magwalo manji aalembedwe mu mapepa awa, elyo Ndila tondeka buyo kuli obile na otatwe aa ngawo. Atu bweze Matayo 24. Lino atu bweze

Matayo, cipati 24, a kubala eco Nca kaamba kuti ciyo citika, obo “Masi mbwa kalino buka kulwana cisi.” Pele, amuyeyeye, mpawo Ula selemukila okuya elyo Ula amba, “Mbuli mbo cakabede mu mazuba akwa Nowa, alimwi mbuli mbo cakabede mu mazuba akwa Lota, aboobo mbo ciya kuba mu kuboola kwa Mwana wa muntu.” Wa ka caamba kumbele, Wa kaamba zintu ezi kuti ziyo citika!

¹³⁰ Wa kati, “Lino, cindi zyoonse ezi nizyakali kucitika, ciindi tacina sika,” azimwi zimbi. Pele kati, “Amwiiye cikozanyo ca musamu wa bukuyu, cindi noucili muniini a kusyuuka mitabi, elyo masamu oonse ambi, mpawo ulizi kuti mainza ali afwaafwi. Mbubonya, cindi mwabona eci kucitika, kuziba kuti ciindi cili afwaafwi, akwalo ku mulyango.” Lino, cindi mwabona cintu na? I musamu wa bukuyu kausyuuka delema, elyo masamu oonse akatalika kusonsa, cakali citondezyo. Elyo Israyeli lyoonse yakali musamu wa bukuyu.

¹³¹ Joeli awalo wakasinsima kujatikizya ncico, “Eco diingo ncolya kasiya, inswabaanda zyaka cilya a kutola cintu aansi. Pele Leza wakasyomezya, ‘Njo boozeyza, mbwaamba Mwami.’” Elyo Uyo cicita. Pele Ka tana konzya kuboozya ceeco mu ciimo ca kumuuya, Mbungano ya Bamasi yeelede kugusigwa. Ta kabi a bobilo babo ku ciindi comwe. Lino, to konzyi kubamba Magwalo kulinyona mbuli booboo. Mwabona? Ta kajisi bakamboni bobilo ciindi nciconya, bakamboni bapati, alimwi Ta kajisi—Ta kajisi . . . Ta jisi Mambungano obilo ku ciindi comwe.

¹³² Amubone, ci . . . Mbungano ya Bamasi yeelede kugusigwa lutaanzi, nkambo ba Juda, mpawo mamanino aa mvwiki zili Makumi ali ciloba zya Daniele zila citika. I myaka yotatwe acisela Mesiya njia kasinsima, elyo mpawo Wa kanyonyoonwa, i Sibwami, akati ka mvwiki ya buseveinte. Elyo, mpawo, kuli mvwiki zyotatwe acisela zisyeede. Elyo tu jana kuti basinsimi bobilo ba Ciybunuzyo (Ta cinci bbaki Lyakwe alubo), ca Ciybunuzyo 11, laseluka a zisinsime kuba Juda. Lino, Mbungano iyo gusigwa ku ciindi eco.

¹³³ Elyo tula bona Israyeli, ciindi citaanzi kwa myaanda iikubwene ya myaka, kutandila myaka ili zyuulu zyobilo, lino yaba cisi; mpi yakwe mwini, mali akwe mwini. Israyeli ili mu nyika yakuzyalilwa; cisi cayo cini, ndembela ini, kuzulilwa ku Masi Akamantene. Ncisi! Baa, ncimwi ca zitondezzyo zipati maningi nzo twa kali kukonzya kuyeeya, ndyoonya lino, Israyeli mu nyika yayo yakuzyalilwa. Elyo Jesu wakati, “Eyi nzyalamani ibona Israyeli kujokela ku nyika yayo yakuzyalilwa tai kamani kusikila zyoonse zika zulile.” Mwabona, Wa kaamba zya buzuba buno.

¹³⁴ Andi mupe buyo umbi. Muli Timoteo Wabili 3, Wa kaamba mbungano ku ciindi camamanino, kati, “Bayooba basikainya, basikulisumpula, basikuyanda misaalo kwiinda basikuyanda

Leza.” Amubweze mbungano ya nyika, kuya, “basikuyanda misaalo kwiinda basikuyanda ba Leza,” amukkale ku ng’anda a kulangilila mabambe aa matelevizhioni kakutaninga kujanika ku muswaangano wa mipailo masiku Bwatatu.

Yebo wati, “Oyo muna Baptisti.”

¹³⁵ Abo mba Pentekoste! Masimpe! Iiyi, munene. Oh! “Basikainya, basikulisumpula, basikuyanda misaalo”; kubikka Ijwi kunsi lya mpemo yabo, taba ka Li boni. Uh huh. “Basikuyanda misaalo kwiinda basikuyanda ba Leza”; kwaambila banakazi kuti tabeellede kugela masusu abo, bala cigela nekuba. Uh-huh. “Basikuyanda misaalo kwiinda basikuyanda ba Leza, basikujaya zizuminano, a sikulengelezya twaambo twabubeji, batakkutili, a basampaula abo baluleme. Kuba . . .”

Yebo wati, “Abo mbatasyomi mukuba leza.” Peepe! Peepe!

¹³⁶ “Bala ciwa ca bukombi, pele balakazya Nguzu zya mbubo,” Nguzu zikonzya kukuvuna kuzwa ku ciyanza eci, canyika cipenzya ciliko eno. “. . . Nguzu zya mbubo; kuzwa kuli bali boobo kofutata.” Takukwe makani eco bamwi bantu nco baamba, nduwe mbuli mugame kumbele lya Leza, weelede kwiingula. Takukwe makani eco mwanakazi oyu ncacita na mwanakazi oyo ncacita, na, oyu mwaalumi ulacita na oyo mwaalumi ulacita, na, oyu mukambausi ncaamba na oyo mukambausi ncaamba; kwalo nduwe a Leza. “Kuba a ciwa,” kumane kansiyansiya, “pele kukaka Nguzu zya mbubo; kuzwa kuli bali boobo kofutata.” Sena tu ponena mu buzuba obo? Tuli masimpe!

¹³⁷ Amulange alubo mu bukkalo bwa mbungano yamanano. I Muuya Uusalala, Jesu Mwini, “Nde Jesu ndakatumwa angelo Wangu ku kulungulula zintu ezi.” Elyo Ciybunuzyo, cipati 3, kukanana zya bukkalo obu bwa mbungano, Jesu kapa bumboni bwa ceeco ciyo citika mu mazuba aakumamanino, Wa kat, “I mbungano iyoba Laodikeya, ikasaala,” konzya buyo kusotauka koonse kwini cindi ciimbo canolila koongolola. Mwabona? Mbo mbubo. Pele ku bumboni a buumi obo buyo salazya, nkule kuzwa kuli mbubo.

¹³⁸ Nse citi. . . Inga nse munyonganya mubuyo, pele Nda kajisi cilengaano kutali ciindi cilamfu cainda ca kuba mu Paradaiso ya Leza. Nse konzyi pele ku mwaambila Bwini. Leza, kotu gwasya bakutausi kusyomeka mu zintu ezi a kwaamba Bwini!

¹³⁹ Mwabona? “. . .? . . . kutontola. . .” I Bbaibbele lyakati bayooba mu nzila eyo, aboobo bayooba mu nzila eyo. Ikuti na caka cuuma kulondoka a Luther, caka cuuma kulondoka a. . . mu Bukkalo bwa Filadefia a Wesley, ci leeleda ku caamba a kulondoka. . . Ca ka caamba, alimwi ci yooba mbubonya mu nzila eyo mu Laodikeya.

¹⁴⁰ “‘Bavubi, tabayandiki cintu!’” Inga twa bikka mabbilioni aa madollar mu mayake, inga twa bikka zintuzyonse ezyo zyoonse—ezyo zyoonse... zyanyika, inga twa yaka mambungano mabotu loko. Oko kuli kabotu, taakwe cintu, eco cili kabotu cakulondoka.

¹⁴¹ Pele Ndi sola kwaamba, mpawo cindi Mulumbe watalika kuzyunguluka aali mbabo, taba tuyandi. “Yebo uli cisaka! Yebo uli sikwiindilizya! Yebo weelede kuti wakapona myaka iili makumi osanwe yakainda.” Mwabona? Oh, inga wayeeya kuti, “Inga nseba a mweembeli uli boobo.” Walo mweembeli wanu, nekuba! Jezebele taka zuma kuti oyo Eliya wakali mweembeli wakwe, pele masimpe mbwa kabede. Mbwa kabede ncobeni. Wa katumwa, mukozyanyo, mutumwa ku cisi ca Israyeli. Elyo sunu Muuya Uusalala tuyandisi a Ijwi lya Leza Mutumwa ku mbungano, ku kubalulamika a kubajosya ku Ijwi. Tula kanana kujatikizya Ndilyo, pele tamu boni ntaamo yomwe. Uh huh, mwabona, tula bweza zintu ezyo kunyongana loko.

¹⁴² Nda kamvwa muntu umwi, mbuli mu bumboni, kwaamba, “‘Amu Mu sumpule,’ mbobuti mbomu Mu sumpula?” Elyo, oh, amujane buyo tukamu tuniini! Muntuumwi wakati, “‘Langilila a kukomba,’ eco caamba kuti zumanana kujula liso lyomwe cindi wano paila, kolanga kubelesya limbi. ‘Amulangilile a kupaila.’” (Baa, *amulangilile* caamba “kulangilila ku kuboola kwa Mwami,” a kupaila cakuzwidilila.) Mwabona, nkunyona buyo cintu.

¹⁴³ Nkikaako, muli ceeco, ncinzi nco tucita? Tu panga kansiyansiya kaniini kesu tobeni (elyo mpawo ikuti...) naa nkuyakwa kwa Leza na pe. Elyo twa unka kumasena, cintu citaanzi mulizi, tu jisi nkamu niini kai tutobela, a kubasomona kuzwa ku mibili mupati wa mbungano. Mbo mbubo. Mubusena bwa kunjila a kukomba a kubamba cintu, a kulekela mibili kuzumanana kweenda, tula cita zintu ezyo naa cakayakwa na pe. Ikuti na uli jisi Bwini, nkokuti kokkala a Bwini. Obo mbombubo ncobeni. Pele acibe Bwini bwa Bbaibbele kusaanguna! Amubone, kwiinda i...bukkalo obu bwa Laodikeya.

¹⁴⁴ Elyo basinsimi, uh, Muuya Uusalala kaukanana kwiinda muli Paulo, oyo wakali Mesiya. Takali Paulo, wakali Kristo! “Leza, mu ziindi zyakale a ziyanza zyansininsini wa kaamba ku matata kwiinda mu basinsimi, mu buzuba obu bwamamanino kwiinda kuli Jesu Kristo,” Bahebrayo 1, amubone, Muuya Uusalala, Kristo, Makanimabotu aa mbaakani ya Kristo, Ijwi lya Kristo litonkomene. Elyo na Li simpizwe ali Kristo, alimwi lyaka simpi-... Leza uyo Li simpikizya kuba Bwini.

¹⁴⁵ Ako nkekaambo nywebo nobantu ba Pentekoste mula tambula Muuya Uusalala mu lusyomo lwa Metho-... busyu bwa kusalazigwa kwa Methodisti, nkaambo wakali aa Ijwi ncobeni.

¹⁴⁶ Ako nke kaambo nywebo noba Methodisti mwa kasalazigwa cindi bana Luther niba taka syoma muli ncico, mwakali mu Ijwi.

¹⁴⁷ Eyo nje nzila noba Lutherani mbo mwaka futulka, kululamikwa, nkaambo mutumwa wanu wakakambauka kululamikwa, aku kazya mbungano ya Katolika eyo yakali musyobo wakazwa kuli bonse. Ba ka syoma buyo mu mbungano; wa ka jokela ku Bbaibbele, nkabela wa kabweza bwini obo bwa Bbaibbele aku jatilila kuli mbubo.

¹⁴⁸ Elyo mpawo ambali kwakasika Wesley a bwini bumbi, a kujatilila kuli mbubo; ambali kwakasika Pentekoste a bwini bumbi, a kujatilila kuli mbubo; mpawo ikuti na wakonzya kujatilila kuli ceeco a kubona kuti cili luleme, nkaambonzi kuta bweza cintu coonse eco caka tondezegwa kabotu? Amu cisyome coonse!

¹⁴⁹ Lino, cindi twa bona batumwa aba, tu lizi mpawo. Tula bona Kristo, Musinsimi mupati wa Leza kaamba zintu ezi ziyo citika mu mazuba aa mamanino. Ino cicita nzi? Kuzibya ciindi ca zisyango. Cizibya ciindi cakuti zisyango ziya kutebulwa, eco ciya kuba ku mazuba akumamanino. Mwa cibona?

¹⁵⁰ Lino, ezi zintu ziyooba mu mazuba aakumamanino. Tu lizi musyobo wa zisyango ngo tulangila. Tu langila mbungano eyo yaka jisi Mumuni lomwe, ya kazwa kuli Njiyo, kaunka ku bweebesi bwa inyika, boonse bakalondolwa (sa mbo mbubo?), kuya bumwaika, kuya bunjila musyobo uli oonse wa membala, a cintu cili coonse, a kuciita kuti ba Pentekoste, babapatizya cintu cili coonse.

¹⁵¹ Maanzi taafutuli muntu. Ci tola Bulowa bwa Jesu Kristo. Kwiina Buumi mu maanzi. Buumi bula boola mu seelo lya Bulowa; citola kusalazigwa kusalazyza buumi obo, kujaya kuyandisya kwa cibi; mpawo Muuya Uusalala uboola mu zilongo ezyo zisalala a kuzibikka ambali mu mulimo, mulimo. I cipaililo cakasalazyza cilongo, pele i...nkuzuzya kwaco kuli ceeco caka cibikka mu mulimo. Lya kabikkwa ambali *ku* mulimo, lino yeelede kubikkwa mu mulimo. Elyo Muuya Uusalala wabikka mbungano mu mulimo. Nda kali kunga ndabotelwa lwiimbo olo lunini:

Ba kali bungene mu kaanda kamujulu,
Boonse kabapaila mu Zina Lyakwe,
Ba kabbizigwa a Muuya Uusalala,
Elyo nguzu lya ncito zyakasika;

Iiyi. Elyo bumwi bwa neico bulaamba:

Eco Nca kabacitila buzuba obo
Ula konzya ku kucitila mbubonya. (Masimpe.)

¹⁵² Inkamu yabantu; basinsimi; twa kaima awo aali Kristo. Lino tu jokela buyo aniiini.

¹⁵³ Isaya, musinsimi, obo mbwa kalungulula, kasinsima kwa ciindi camamanino. Wa kati, “I mibili woonse inga waba uzwide zilonda, matafule oonse aya kuzula malusi!” Baa, baalumi a banakazi sunu, balalya mulalilo, kabapona a bamakaintu bobile na botatwe, na balumi bobile na botatwe, (ncibotu) misyobo yoonse ya . . . kufweba misanga yatombwe, a zintu ezyo zyoonse; kunjila mu mbungano, kulya mulalilo!

¹⁵⁴ Lino, Nda konzya kuunka buyo ansi aniini kwinda awo, pele Ndila lindila buyo asyoonto, ndiza kutali biyo mpoonya awo. Nda limwa kulingulwa ali ceeco Nceli kuyo kanana. Pele Ndi . . . Inga mwabala akati ka mizila. Nywebo mulizi Bbaibbele nco lyamba, ezyo zintu zyeelede a ziteelede kuti ninzi.

¹⁵⁵ Zintu ezi zyoonse tula bona kazicitika mpawo, a cisi . . . sayansi yaamba kuti ngu . . . myaka iili yone na yosanwe yakainda, “Maminiti otatwe kusika akatikamasiku.” Israyeli ili mu nyika yayo yakuzyalilwa. I mbungano ili mu Laodikeya. Oh, ma! Ino tu langila nzi? Ino ndipenzi nzi?

¹⁵⁶ Tu langila Mumuni waku mangolezya. Oh, Nda libuzya, ikuti na inga Ca boola, ikuti na inga twa Ci ziba? Na sa inga Ca sotauka atala lya mitwe yesu mbuli mbo cijisi kusule mu makkalo ambi? Tiiba kazyi mane caka sakene kale kwinka.

¹⁵⁷ Mula yeeya, abo bantu bakombi bakali mbabo baka jaya basinsimi abo baka tumidwe kuli mbabo. Jesu wakaamba booboo. Wa kati, “Nywebo basikuupaupa!” Kati, “Mula botya tubanda twa basinsimi, a bamauso baka babikka omuya elyo mpawo kuyaka tubanda twabo.”

¹⁵⁸ Amulange mbungano ya Katolika ya Roma, yaka penta kabanda ka Musalali Patrick, kupenta tubanda twa—twa Joan wa Arc. Ba kajaya mwanakazi oyo, a kumuumpa mbuli mulozi, nkaambo waa kali simuuya, nkaambo waa kabona zilengaano. Ba kamuumpa ku cijailo, mbuli mulozi. Myaka ili myaanda yobile niyakainda bakafumbula mubili wa bapaizi a kubasowela mu mulonga, kucita kusubulwa kwa mukati, mukuziba kuti waa kali mulanda wa Kristo. Pele, mu buzuba, tiiba kazi kuti wakali ni, kuciindi mbungano niya kainda mo.

¹⁵⁹ Elyo Liyo unka atala eni lya bantu nkabela taba ka Li zibi.

¹⁶⁰ Jesu, tii bakazi kuti Wa kali Mwana wa Leza mane Wa kali fwide a kuzikkwa a kubuka alubo. Sa Petro taka bapa mulandu aa Buzuba bwa Pentekoste? “Nywebo no bantu a maanza mabi mwabweza Mwaami wa Buumi, a ku Ci jaya, ka Mu jaya!”

¹⁶¹ Oh, kumweka kwa citondezyo cisubila ica kuboola Kwakwe cili kunsellelo! Amen! Tuli ku mamanino. Amen. Oko kumweka zitondezyo zisubila nko koonse, masena oonse, “Ikabod,” kulembwa. I ciindi camana. Ciindi camana!

¹⁶² Sayaansi yaboola ku mamanino ayo. Mbo mbubo. Ba kaanza cintucimwi lino eco ncoba konzya kubelesya kunyonyoona

inyika, umwi aumwi uyoowa mweenzinyina. Bali ku ciindi camamanino.

¹⁶³ Lusumpuo, lwa kasika ku busena bantu...i cintu cipati izumbaala kujoka musule. Bantu taba citi mbuli bantu basumpukide. Sa inga mwayeeyela muntu uyanda kuba sindyabantu, a malezu aakwe kalengelela ansi mbuli *obu*, tako ly a ntobolo yakwe kalilengelela ku tusolo twakwe, kuselemukila ku lubuwa lwa cikolo mbuli *obo*? I bupampu bwa nyika obo bweelede kuboola kwamana eci, ikuti na kucili kunji kwa ncico, kubweza basimbi baniini ba myaka iili kkumi ayone kubusena, balo mu kagwagwa.

¹⁶⁴ Sunu, mu motelo yangu, kwa lede mutumbu kata samide kabotu ku kuvunga shotigani ndamfu, a mulumi wakwe kalede alya mbubonya buyo, a guwo eelyo litontola. Ba yeeya kuti mibili yabo mibotu loko cakuti beelede kucitondezya. Sa tamu mvwisyi kuti oyo ngu dyabulosi? Mbo mbubo. Kusamununa zisani zyabo, cita basondokede buyo bacita ceeco. Legioni waka cicita nkaambo kakuti wakali nyongene. Amubone! Elyo tuli jisi eco, pele eco citegwa “bupange,” obo butegwa “sunu.” Tu ciita kuti “I dyabulosi!” Ndi jisi Bbaibbele ly kutondezya kuti ngu dyabulosi. Nku njilwa dyabulosi, nkunjilwa madaimona (kutali kupenzegwa). Kunjilwa, wa kamujata! Mbo mbubo. Ku baambila kujatikizya ncico? Bayo lizya. Taba yandi cintu cakucita a Ncico! Peepe, munene. Ba jisi mizeeo yabo beni, nkaambo ku cikkalilo cabo bala unka taba katapatili. Kukwelelezya kwa nkwela kulacitwa mu zikolo amu zikombelo, nkabela beembeli bala yoowa kukutapatila, mbuce maningi kuli konse.

¹⁶⁵ Kamvwa mukutausi buzuba bumwi, kati, “Cindi niba kaanza zintu ezi zya bbulu nkambo ka meso, a—a milomo iiusbila, ba kapanga nyika mbotu kwiinda.” I mukutausi wa Makani mabotu, mu cikambaukilo, inga waamba kaambo mbuli *obo*, uyandika lweendo kuya ku Kalivari. Ncibotu. Mbo mbubo ncobeni, cindi Bbaibbele ly citapatil!

¹⁶⁶ Elyo nkamu ya Pentekoste ya kaambila mucizi kuti (boola ku busena, kaompolweda) nkaambo waa kabambide masusu akwe ku makosi a mutwe wakwe, kuba masusu malamfu, kati, “Taya lyako inga lyaponca.” Kati, “We elede kugela masusu ayo, nkaambo kakuti Bbaibbele lyakati waa kajisi...muli Isaya, cipati 5, kajisi mataya atala mbuli mweezi.” Lino, mbobuti Bbaibbele mbo likonzya kwaamba kuti “mwanakazi ucita cintu citeeleli,” ta eleli kupona awe ku ciindi na gela masusu aakwe, ula tondezya kuti ula ubausya mutwe wakwe, elyo mpawo masusu malamfu...?...Mbobuti mbo konzya kubamba Bbaibbele kwaamba cintucimwi mbuli ceeco? Ee, ino ndi penzi nzi ku banakazi besu bana Pentekoste? Mwa kabona cipekupeku cinji loko! Mwa kabona kunji loko kwa inyika, alimwi kutali kunji kwa kuyandisya kwa Ijwi ly a Leza. Lino, Bbaibbele ly

kaamba boobo. Obo mbo lyakaamba Bbaibbele. Oyo tali ndime, lino, eelyo ndi Bbaibbele!

¹⁶⁷ Oh, kukwelelezya kwankwela! I mulindu wakati kuli ndime kutali ciindi cilamfu cainda, Nda kali kuzumanana kujatikizya mbabo kusama tubbudula otu, kati, “Ndi—Ndi sama tulukwe.”

¹⁶⁸ Nda kati, “Eco ncibyaabi loko.” Yebo . . . I Bbaibbele ly a kaamba boobo. Ta konzzi kucinca.

¹⁶⁹ Yebo wati, “Oyo muna Baptisti.” Abo mba Pentekoste. Nda ambaula kuli *ndinywe*. Mbo mbubo. Obo mbwini.

¹⁷⁰ Pele ino ndipenzi nzi? Ino ndipenzi nzi? Muntuumwi waka losya micinjili kubusena bumwi. Ii mweenzuma mudaala mukambausi wakali kunga ulati:

Twa kalosezya ansi micinjili, twa kalosezya
ansi micinjili,

Twa kalimvwanya a cibi.

Twa kalosyezya ansi micinjili, mbelele
zyakazwa

Pele mbobuti mpongo mbo zyaka njila?

¹⁷¹ Ino ndipenzi nzi? Cindi mwa kalosya micinjili, ziimo zya Ijwi lya Leza! Amuyeeye, akali mabambe aa Leza ku kwabilila Mbungano Yakwe kwiinda ku Ijwi Lyakwe, ku matalikilo.

¹⁷² Elyo cindi Eva nakabuzya a kuti, “Ee, lino, sa tacili cibotu, Nda konzya kupona kabotu mbuli mboba . . .?” Aah! Eco caka cicitia.

¹⁷³ Elyo eco lyoonse cakacicita. Ako nkekaambo nca kakasigwa kuba mukambausi. Mwabona, caka losya buyo micinjili. Awo mpempawo (mbungano) mpo tomenede kuzyalilwa, mu Pentekoste, nkabela ayo matomeno. Kwiina Lugwalo lwa ncico. Mwabona? Lino, ino ucita nzi mpawo? Mula jana cidyobedyobe nciconya eco ncomu jisi kusule kuya mu Edeni. Amubone, lino, mpawo cindi twa boola ku Ijwi, nywebo mwati kujatikizya Ndilyo . . .

¹⁷⁴ Taakwe muntu uukonzya kukazya Eco! Nda zundikizya kufumbwa muntu ku caamba. Kakambauka aa *I Lunyungu Lwa Nzoka*, banji loko bakafutaulwa kujatikizya ncico. Nda kalomba mwaalumi umwi kuboola kundi langanya muli ncico. Nse bajani.

¹⁷⁵ Ku Chicago kutali ciindi cilamfu cakainda, muli jisi mateepu, ba kali kuyeyea kuti bakandi cega mu cintucimwi. Ba kajisi Nkamu yoonse Mpati maningi ya Bukutausi iya Chicago, Mukwesu (Ino ncinzii?) Tommy Hicks, Mukwesu Carlson wakaliko. Elyo masiku obile kakutanaba eco, Mwami wakandi sinsimuna masiku, kati, “Koya ukaime ku mpulungwido eyo.” Nda kaunka, nkabela kwakali guwo lyamvula pati. Wa kati, “Lino, bali jisi kooze kabikkilidwe nduwe.” Wa kati, “Ku kalimbabula aka, uta yoowi. Ko zumanana, Njo oba a

nduwe.” Lino, eci cili mu Zina lya Mwami. Inga mwa babuzya a kuziba. Cili aa mateepu, cakaambwa kumbele kale: Kati, “Lino, muta yoowi kuunka, pele kamuya mukaambe,” kati, “Njo oba andinywe.”

¹⁷⁶ Elyo buzuba buccilila Nda kaswaanganya Mukwesu Carlson, mweendelezi wa capita kuya, a Tommy Hicks. Elyo Wa kandaambila kuti Ndiyo baswaana alimwi twa kali kuunka ku busena butegwa “Dolopo a Cisi” ku kalimbabula. Nda kakkala ansi awo mbubonya buyo. Nda kati, “Mukwesu Hicks, uli mwiiyi wa zyabukombi alimwi tuyu swaangana nkamu mpati ya bakutausi kuno, nkamu yabo ya Chicago, nkaambonzi toinki a ku ndikananina? Nda kacita zintu zinji nkambo ka ndinywe.” Nda kali kumusoleka buyo.

Wa kati, “Oh, Nse kakonzya kucita ceeco, Mukwesu Branham.”

¹⁷⁷ Nda kati, “Ee, nkaambonzi nco tazumanana?” Nda kati, “Inga nda kucitila cintu cili coonse, eno nkaambonzi ncota ndicitili buyo ceeco?”

¹⁷⁸ Wa kati, “Oh, Nse kakonzya kucicita, Mukwesu Branham. Tiiba kakonzya kwiiimikila nji kuli ceeco.”

Mukwesu Carlson wakati, “Peepe, inga taba citi.”

¹⁷⁹ Nda kati, “Yebo ulizi kaambo.” Nda kati, “Andi kwaambile cintucimwi, nkaambo kakuti yebo, nyobilo nywebo, mulizi kuti bali jisi mubuzyo uubikkidwe kuli ndime.” Elyo Nda kati, “Uli cijisi.” Lino, eci cili aa teepu. Ikuti na tu yanda teepu, inga twa ba ayalo. Elyo ulizi bantu aba boonse. Aboobo Nda kati, “Masiku kakutanaba mamanino, Nda kabona cilengaano kuti tuyu ku kkala awa cifumo cino alimwi Tommy nakaka ceeći.” Nda kati, “Lino langa, uli . . . ujisi kaanda ako ka hotela kabbadelwa.”

“Iiyi.”

“Renti yaka bbadelwa kuli nkako.”

“Iiyi,” Mukwesu Carlson.

¹⁸⁰ “Pele toka cibambi. Ngu MBUBOOBU MBWAAMBA I MWAMI!”

“Nkaambonzi?”

¹⁸¹ “Muyo njila mu busena bumwi bumbi. Obo ii—obo mbusena bwa grini; tu njila mu kaanda kasalaluka. Ndi yooba mu kkona; Dokotela Mead uyo kkala ku lulyo lwangu; elyo oyo mukambausi mudaala uusiya a mukaintu wakwe bayo kkala awa ku lumwesi,” nzila buyo mbo cinga caba mbuli boobo. Elyo Nda kati, “Amu langilile lino, kamuboola buyo ambali. Mwa kabona Leza kaponya balwazi, amu Mu langilile mu nkondo ciindi cimwi!” Nda kati, “Walo mupati, mubotu.” Nda kati, “Langilia buyo mibuzyo a kubona obo mbo itontozya.”

Elyo cindi twa sika okuya cifumo eco . . .

¹⁸² I kuti na uyanda teepu... Jim, ulii jisi, sa toilet? Mpoonya awa, mpoonya awa, inga mwaba a teepu ikuti na mula iyanda, aa muswaangano.

¹⁸³ Nda kati, "Ino mundi lwanina nzi? Ino ndi penzi nzi kuli ndinywe nobalombwana?"

¹⁸⁴ Mukwesu Carlson wakati, "Ee, Mukwesu Branham wandaambila mazuba obile ainda kuti inga tu yooba..." Elyo tiiba kabujana buyake, baka ubamba kusaya. Teeba kakonzya kubalekela bubelesya nkaambo nkamu imwi ya bazilimba yakali bubwezede kale alimwi teeba kazyi kuti baka pede mali mataanzu kuli mbubo, mpawo bakacita kubamba kusaya kwa Bantu basimakwebo. Elyo antela mwakamvwa mulumbe wa nguwo, Mukwesu Williams awa, alimwi awa, awalo. Elyo—elyo—elyo wa kati, "Mukwesu Branham wandaambila eni awo muntu oonse mpa nokkede, a ku ndaambila cigaminina eco ciyo citika." Kati, "Cintu comwe," kati, "Ndi... toonse swebo inga twa impana a Mukwesu Branham aa Mulumbe wakwe, pele," kati, "tuyo zumina cintu comwe, ta yoowi ku Ca amba," aboobo—aboobo mpawo kati, "utayoowi a Ncico." Kati, "Lino, mpaawa mpoli, Mukwesu Branham."

¹⁸⁵ Nda kati, "Lino, katutana katalika, Ndi yanda muntu umwi, aa cintu cimwi eco nce Nda kaamba, ku bweza Bbaibbele elyo a kwiima awa munsi lyangu." Alimwi eyo yakali nkamu ya kaumwine maningi njo kasola kumvwa. Nda kati, "Mpawo, ikuti na to konzyi ku cigwasya, mpawo koleka kusule lyangu! Iiyi. Bakwesu, Ndili ano kubeleka antoomwe a ndinywe, pele tweede kujoka ku tusimpe twa Bbaibbele."

¹⁸⁶ Kati, "Nkaambonzi to—nkaambonzi toleki banakazi? Oh, inzya, uli ii... bantu bala kusyoma kuba ii—ii mulunguluzi wa Leza."

Nda kati, "Nse kaamba ceeco."

¹⁸⁷ Wa kati, "Pele bantu basyoma boobo." Kati, "Nkaambonzi to—nkaambonzi ncota leki kwaamba banakazi?" Kati, "Elyo leka kubaambila makani nzila mbo beeleda kusama a kugela masusu abo a zintu nzoba elede kubellesya. Nkaambonzi to bazunguluki kuzwa kuli mbabo? Nkaambonzi ncota bayiisyi mbo kutambulwa zipego a—a kucita cintucimwi ku bulemu bwa Leza?"

¹⁸⁸ Nda kati, "Mboluti mu inyika Mbwe konzya kubayiisya alujebra kakuli taba kakonzyi kwiiya ma ABC abo?" Mbo mbubo. We elede kujokela ku ntalisyo katalika.

Leza, kotu fwida luse lino. Iiyi, munene.

¹⁸⁹ Mpaawa mpo tubede, ciindi camamanino! Mumuni uusubila kunselelo, kaumweka! Kuboola kwa Mwami kuli afwaafwi. Iiyi, munene. Amuswiilile! I Mulumbe wa ciindi camamanino weeleda kukkwanya ziimo zya ciindi camamanino. Oko nkoba

kaleya, Mulumbe weelete kuujosya. Lyoonse, Mulumbe wa ciindi camamanino ulakkwanya ziimo zya ciindi camamanino. Lweendo loonse kwiinda mu Lugwalo. Lweelede kucicita ciindi eci, kwitwa kujoka ku Ijwi litaanzi. Oh, ma! Mbuli batumwa bamwi mbo bakacita mu buzuba, Mulumbe oyu uyo elela kuba mbubonya. Twa kasyomezegwa eco! Leza waka cisyomezya mu Ijwi Lyakwe! Malaki 4, wakati ciyo citika, “A kuboozya Lusyomo lwa bana kuya ku matata.” Kacisyomezya, nkabela tu pona mu buzuba obo!

¹⁹⁰ Oh, lyoonse mbo cakabede, ciindi aciindi, nkamu ya basololi eyo iijata bantu kunyongana koonse. Ta cili bantu banji loko; ngo basololi abo baba nyonganya. Lino atu . . .

Yebo wati, “Oh, Mukwesu Branham!”

¹⁹¹ Ee, lino, aniini buyo lino, twe elede kubamba eci kuba ca Malembe. Ikuti na taluli Lugwalo, nkokuti tacili cibotu. Kwiinda ku majwi abo aa busongo, mu busolozi bwabo butakwe bunanike, majwi aa busongo bwanyika, ba . . . Baa, kuli bamwi basipampu basalesale bakonzya kubikka eco antoomwe, pele muyeeya kuti Saatani tali sibupampu musalesale kuli ncico, awalo? Sena ta kacita, ee, kuswena kuli Jesu Kristo a ku Mu pa kaambo, alimwi akwalo wakabalulula Lugwalo kuli Nguwe? Wa kacicita! Ngu sibupampu musalesale kuli ncico. Pele Jesu taakwe naka kazyana a nguwe, Wa kat, “Kuli lemedianwe, akwalo! Koya kusule Lyangu, Saatani.” Iiyi, busolozi btakwe bunanike.

¹⁹² Amulange Kora, mu mazuba cindi Leza nakatuma Musa a mulumbe, a Kora a Datani bakayeyya, kaboola kuli Musa, a kuti, “Lino, aniini buyo, ula lisumpula maningi! Uyeeya kuti nduwe bbwe olikke lili aa nkompwe; dada mu maanzi maniini, uli olikke biyo. Ndila kuzibya kuti kuli bantu bambi basalala, abalo!” Musa ta kaamba kuti tee bakali kusalala. Pele wa kajisi kutumwa, wa kacita ku cizwidilizya. Elyo baka bunganya nkamu nkabela bakali kaboola kulwana Musa.

¹⁹³ Elyo Leza waka mwaambila, “Koya ukaime kulaale ku mulyango.” Abo baalumi baka jisi kanunkilizyo mu janza lyabo, alimwi mulizi ako kanunkilizyo nco kakalino cita. Leza wakajula nyika a kubamena. Elyo baka jisi mulilo kuzwa ku cipaililo, muli ncico. A mulilo mu kanunkilizyo, mbuli simbaakani mbuli mbo wakabede, ba kakakilwa kuziba mulumbe.

¹⁹⁴ Leza wakati, “Nda kutuma, Musa, kunselelo okuya kuyo cita ceeci. Ko baleta okuno.”

¹⁹⁵ Mwabona, ba kakakilwa kuciziba. Musa wakali “uululeme loko” a mbabo. Mbuli Eliya mbwa kabede, ku Cikolo ca Basinsimi, “eigaminina loko,” kakkala a Ijwi.

¹⁹⁶ Eco ncencico ndinywe no bantu ba Pentekoste, mwaka lyandaanya kuzwa kuli bamwi banyika, kugama ku Ijwi. Lino

uta bbili kujoka mu cintu ncoonya mo kazwa, uya buseya! Uta gusyi nkasi yako kuzwa ku Kalivari. Jatilila ku Ijwi lya Leza, nkambo “Aatala aa mwaala oyu Mpe nzoyakila Mbungano Yangu,” kkala a Njiyo.

¹⁹⁷ Lino, Datani alimwi bakali kuyeyya kuti bakali...kwa kali muntu umbi. Mwabona, obo mbupampu bwa buntunsi kusola kunjizya mizeezyo yabo mu bukanze bwa Leza. Obo mbumwi buboto. Bupampu bwa buntunsi kusola kunjizya mizeezyo yabo mu Ijwi lya Leza. Ta cikabeleki! Ta cikabeleki. Ta cina beleka alimwi ta cikabeleki.

¹⁹⁸ Amulange Jesu cindi Na kaimvwi alya, kati, “Nguni umwi wanu ukonzya ku Ndipa mulandu wa cibi? Nguni umwi wanu ukonzya kutondezya kuti Nse kacita nciconya eco Magwalo nca kaamba kuti Ndiyo cita? Nda taminina kuba Mesiya. Elyo ikuti na Nse citi milimo ya Taata Wangu, mpawo muta, Ndi syomi. Pele ikuti na Nda cita milimo alimwi tamu konzyi ku Ndi syoma, amusyome milimo eyo Nje cita, ilungulula Ndime.” Mbombubo. Elyo tiiba kakonzya ku cisyoma, bakali kuyanda nzila zyabo beni.

¹⁹⁹ Inga tiiba kanza kucita ceeci aku lubila. Taba kanzi... Nse syomi kuti muntu ukanzila kucita ceeco. Ndi jana bantu babotu kumasena mu mambungano ayo mapati akabungwe. Ndi jana muntu mubotu. Pele kuli mbuli loya mbwa kaamba aa redio, nke selemukila okuno, “I cintu ceenzu, obo bapaizi mbo bakali kukonzya kwiima mu cikambaukilo, a kubona ziindi ezi ka ziboola, akuta busya bukali bwabo bululeme, bwa zibi zya inyika!” Elyo cindi loya naelede kwiima a kwaamba ceeco! “Alimwi nzila basimbungano mbo bakonzya kubelesya mali abo ku misyobo yoonse ya mazuu a mapaaiki, a zintu, a kuta gwasilizya mabambe aa mamissionari, ku tolela inyika Makanimabotu.”

²⁰⁰ Cindi mamisionari bafwa nzala, kaatakwe mabbusu ku matende abo... Aleluya. Taakwe kabungwe ka kubaiminina, nkaambo, kwiima kwabo nkambo ka Ijwi lya Leza. Taakwe cintu cibaiminina. Mula bajana a cintucimwi cibaiminina okuya, mpawo ncinzi ncoba jisi? Li cikama cipati ca kayanza kabuzumini. Missionari, wini ncobeni, zitondezyo kazitobela, kayandika kuyaamina ubeleka ncito ya kuwasha kuti kayobola masheleni masyoonto. Amubone, nceeco we.

²⁰¹ Kwayanda inga tiiba kanza kucita... Ee, pele ndipenzi nzi kuli mbabo? Bali ofweede. Jesu wakaamba boobo. Amuyeeye, amuyeeye, Jesu wakaamba cintu eco nciconya. Elyo ci boneka mbuli, sunu...

²⁰² Lino amuswiilile, Nda syoma Nseli sikukazya. Cindi wano panga bwini muta—muta limvwi kuti Ndili mukukazya. Ndi sola buyo ku... Nda—Nda yanda... Elyo ikuti na tamu... Ndi—Ndili musungu ku Mbungano. Eci, antela ni mbungano ya

Assembilisi ya Leza, na kufumbwa mboibede, na-na Ta-Ta ndizi mboibede. Inzi... Ta cibambi lwandaano luli loonse kuli ndime. Ni mbungano ya Leza. Obo mbo cibede, Nda syoma, ni mbungano ya Leza. Ee, lino, toonse tweede kuba boobo, kutali mbungano ya kabungwe iya Leza, pele tweede kuba Banakristo mu moyo. I Mbungano ya Leza ikkala mu malambo, kutali zina, azimwi zimbi.

²⁰³ Lino, sunu cili loko aali eci, kuti bumembala boonse buli jisi makani ku bantu. Lino, amulange Baptisti mukuba a lubukulusyo. Oh, baka jisi lomwe. Ba kajisi kaambyo mu' 44, "Ii bali milioni bambi mu' 44." Milumbe ya Billy Graham kaiyabuya. Baa, masimpe, ya kabamba cintu cipati. Iba Methodisti, Baptisti, Presbyteria, cakali cintu cipati, pele ino tu jisi nzi?

²⁰⁴ Jesu wakati ku ba Farisi, "Nywebo no basololi boofu iba boofu. Nywebo no maziba mapati ku panga musanduki omwe, alimwi ngo mwana wa bubili loko wa gehena kwiinda mbwa kabede ciindi na katalika." Elyo ncencico nco tujisi sunu.

²⁰⁵ Billy Graham, cindi Ne ka janika ku kalimbabula kakwe mu Louisville, Kentucky, kaboola okuya, cakusinizya mbuli muvangeli mbwa kabede, wa kati, "Nda unka...Paulo wakati... Ngooyu mukozyanyo." Kati, "Paulo waka njila mu munzi a kusandula musanduki omwe, wa kajokela mwaka niwaka mana alimwi kwakali makumi otatwe kuzwa kuli oyo omwe." Kati, "Nda inka mu dolopo a kubamba basanduki bali zyuulu zili makumi otatwe, a kujokela mu mwaka a kutajana bali makumi otatwe." Wa kati, "Ino ndipenzi nzi?" Elyo Nda kakuyandisa kulanganya kwa muvangeli. Wa kasimpa munwe wakwe okuya, kutandila bantu bali myaanda yotatwe baka kkede alya, wa kati, "Ni nkamu ntolo iya bakambausi." Wa kati, "Amu kkale mu ofesi a matende anu kutala lya desiki, a kwiita mwaalumi ku telefooni, a kumulomba kaselemuka a—a kusangana mbungano yako. We elede kuunka kuyo muswaya."

²⁰⁶ Nda kakkala awo, Nda kayeeya, "(O Leza!) Yebo ulizi, Muvangeli Billy, uli muntu mulemu. Ndili i—Ndili uutayiide. Pele andi mubuzye cintucimwi." Nda lombozya ni Nda konzya kunyona a kwaamba ceeci; pele Nda—Nda—Nda nyomenena mukwesu, yeeya kuti mulanda wa Leza. Pele Ndi yanda buyo kwaamba ceeci, "Mpawo, Billy, ino musyobo nzi wa mukambausi Paulo ngwa katobezya umwi wakwe?" Ncinzi cakacitika? Paulo talekeli buyo kutambika janza lyakwe kupanga muzeezo, wa kamutola ku lubbizyo lwa Muuya Uusalala, kubamba buntu bwakwe kupya moyo, nkabela ta kakonzya kuumuna.

²⁰⁷ Eelyo nde penzi sunu, bumembala. Iiyi. [Kabeela katakwe cintu aa teepu—Mul.]...mamembala, bumembala bupati, makkilasi mapati aakwiya Munsondo, kubbadela zilumbo ku

muntuumwi kuti akonzye kusandula umwi akuleta muntuumwi umbi kuzwa ku mbungano imbi, kuti nguni ujisi banji. Nywebo mulizi, obo mbu Farisi! Elyo mpawo kupanga cibelesyo cipati kujatikizya ncico, "Twa kabauma Munsono mwakainda." Ikuti na weelede ku busena oko nkoelede kubamba mbungano ya Leza muzundano wa mbeba, mpawo nciindi cakujala milyango a kuya ku muunzi.

²⁰⁸ Mbungano ya Leza ncikozyano cipona ca Leza aa nyika, katondeezya Jesu Kristo. Ndi lizi Tacili campuwo, to konzyi kulangila kuba. Tu langila kuba kabotu.

²⁰⁹ Kubamba kulikankaizya kupati kujatikizya ncico . . . Pele, sa mulizi, coongo cipati tee cakanyonganya musinsimi Eliya. Wa kamvwa mulilo a busi kabuya, a kundindima a ndabo, a bulowa a mafuta, a zintuzyonse zimbi, tii caka mupenzya. Nywebo mulizi, America lyoonse iyandaula cintu cimwi cipati a coongo cinji muli ncico. Pele Leza ndi "Jwi liniini lya butontozi" eelyo likwelelezya musinsimi.

²¹⁰ Nywebo mulizi, cikocikala ciindi cimwi cakaunka mu muunda, nkabela cakali kubbwansuka, akupanga coongo cinji cindi niceali kuya ku muunda. Elyo cindi niceaka koja, cakainda a mabbaampu ngaonya nkabela tii caka bamba coongo nociceya, caka longeldwe zintu zibotu. Mwabona? Inzya.

²¹¹ Pele tu yaamika luzibo lwesu aa cikama ca coongo. Mbobuti mbo tukonzya kucita ceeco? Mbobuti mbo tukonzya kucita zintu ezyo mbuli zeezyo? Oh, ma! Elyo mpawo kukwempa bwuebesi bwa Hollywood mukati, kulekela banakazi aa cikambaukilo, kaba samide zisani zijata maningi akulibonya cankwela, kabazyana mu muuya. Ta ndizi na musyobo wa muuya uli buti!

²¹² Nse kanzi kuba sikukazya lino, Ndi—Ndili—Ndili . . . Nda—Nda muyanda. Ikuti na Nse citi, nkokuti Leza uyo ndibeteka ikuti na Ndi jisi bukanze bumbi buli boonse kwiinda boobo. Mwabona?

²¹³ Pele mwa jana ceeco, mwabona. Awo mpe mpawo ba Pentekoste mpo baselemukila. "Tu jisi winda kuba mukwesu ku kkona kwa kajisi." Oh! "Tu jisi kunji kwiinda ba Assemblies, nkaambo tuli ba Oneness, na tuli ba Trinitaria, alimwi tuli i . . ." oh, *eci, eco, na cimbi, zyoonse—zyoonse insimbi zyandeene nzo bajisi, nywebo mwabona*. Oh, mukwesu, eco ta caambi *obo* kuli Leza. Ula beleka a mugame. Mbubo.

²¹⁴ Amubone, coongo cipati, pele tii caka kwelelezya musinsimi. Musinsimi takabikkila maanu ku coongo cipati. Pele cindi na kamvwa Jwi eelyo liniini lya butontozi, wa kalizi kuti lyakali Ijwi, wa kavumba busyu bwakwe a kuzwa keenda kuzwa.

²¹⁵ Nywebo mulizi, zuba lilakonzya kukwela maanzi manji mu maminiti aali kkumi aosanwe, kakutakwe coongo cili coonse pe, elyo tu . . . lainda mubu— . . . elyo tu panga coongo cinji kuvunga cigaloni ca maanzi kwiinda zuba mbo licita zikwabilizyo zili

milioni. Mbo mbubo. Lyoonse tulangila cintucimwi cijisi cipati a kuvula kwa “hurrah,” a coongo ciinji cibbi kuli ncico. Elyo cindi caboola aansi ku kasimpe ka kubweza Ijwi, mpawo nceeci caboola cintu. Mwabona? Boola, elyo ba lati, “Ee, alelekwe Leza, Nda kwaambila . . .”

²¹⁶ Nda kaswaana mwaalumi okuno kutali ciindi cilamfu cainda. . . Ta ndaambi eci kuba kusanka cisetekene, akaka kondi jatila ikuti na Ndili. . . kuyeeya kwangu kuti cicibamba kusanka cisetekene. Nda kali ku muswaangano wa tente alimwi, mukutausi, mukutausi wa Pentekoste wakaleta mukaintu wakwe kuya ku kulizya piano. Elyo cindi na kandi zibya ku mukaintu wakwe, cakusyomeka, Nda siwizuke. Mwanakazi waka jisi masusu mafwaafwi loko, akavungeme, alimwi waa kasamide, macoco mapati, a musila munji ku milomo yakwe, na kufumbwa zintu mbo zibede, maala akapentedwe. Kalibonya mbuli kuti waa kali ii. . . Kwakali kulibonya kuyoosya; mala, malamfu mapati ncobeni, a mbuli booboo. Elyo kalibonya cankwela; kasamide, dressi, liniini loko lifwaafwi, takali kukonzya nokuba kulivumba aamazwi akwe nakali kukkan. Ee, Nda kaima awo aniini, elyo Nda kati, “Mukwesu, sa Ndi cisa kulimvwa kwanu ikuti na Nda amba cintucimwi?”

²¹⁷ Wa kati, “Baa, peepe nconzyo.” Mwaalumi mubotu, alimwi waa kali kuboneka kuba mwanakazi mubotu.

Nda kati, “Sena waamba kuti mukaintu wako musalali?”

Kati, “Iiyi.”

²¹⁸ Nda kati, “Jatile bwaambe, pele uboneka mbuli ‘hain’t’ kuli ndime,” Nda kati, yebo ulizi, “na cintucimwi mbuli ceeco.” Nda kati. . .

²¹⁹ Wa kati, “Ino upandulula nzi, Mukwesu Branham?” “Oh,” wa kati, “uli wa cikolo cakaindi.”

²²⁰ Nda kati, “Ndili wa cikolo ca Lugwalo. Mbo mbubo, cikolo ca Lugwalo.” Nse syomi kuti musalali ulilemeka booboo, Nse konzyi buyo kucicita, cindi Bbaibbele lyatapatila. Mwabona?

²²¹ Ncibotu, ciboneka, ziindi zyoonse, zintu zyoonse nzyo tumvwa, “ba jisi kusala kuli makumi one,” “kusala kuli makumi one aone,” “twa kajisi mizeeo iili myaanda yotatwe.” Ee, oko nkulyaambilila. *Kulyaambilila* alo “mabwe.” Mbo mbubo, nkaambo Petro, ku kulyaambilila kwakwe, wakaitwa kuti “bbwe, bbwe liniini.” Petro, kulyaambilila kwakwe. Lino, mabwe ali kabotu, pele ino ndugwasyo nzi kuba bbwe ku buyake ikuti na takukwe tuyasi wa mabwe wakasimpe okuya ujisi cibelesyo cibosya ca Ijwi ku bagonka a kubabamba kuba bana ba Leza? Mwabona? Ino nkulyaambilila kubotu na?

²²² Ako nkekaambo nco mupiluka a kutajana bali zyuulu zili makumi otatwe kuzwa mu zyuulu zili makumi otatwe. Ko kunkulisyua buyo mabwe kuzwa mu bulongo, akwa kunkulisyua

kuya alya, nkabela taana kweelela ku tempele. Beelede kutendwa, kulongezegwa ku Ijwi lya Leza, kabikkwa omuya, kaswaanganisigwa antoomwe, iyakidwe aa ntalisyo ya Njiisyi ya baapostolo, Jesu Kristo Bbwelyacisiwi. Elyo Wa kati, "Oyo usyoma muli Ndime, milimo eyo Nje cita uyo icita awalo." Mbo mbubo.

²²³ Mbobuti mbo tukonzya kuba Mbungano kakuli tula sampaulana? Wa kati, "Eci bantu boonse bayo ziba kuti muli basikwiiya Bangu, cindi mwano jisi luyandisyo kuli umwi aumwi." Cindi twa sandula bamwi a kumwaika, akaambo ka kwiindana kwa kabungwa... Nse cibikki aa bantu, Nda cibikka aa kabungwe. Mbo mbubo. Kutali bantu pe. Mwabona? Oh, ncibyaabi loko, nekubaboobo Ndi... .

²²⁴ Yebo weelede kuba a cibelesyo eci cibosya, Ijwi lya Leza, ku babamba mu bana ba Buyake. Oh, ma! Mupailo wangu ngwa kuti, "Leza, kobindaana a Malaki 4. Kotupa Mulumbe mu mazuba aakumamanino. Kotupa muntu umwi, tuma cintu cimwi ca kuvuna mbungano eyi ya Pentekoste."

²²⁵ Ino musyobo nzi wa mutumwa Leza ngwa katu tumina ku mazuba aya akumamanino? Ndiyo kwaambila eci, mukwesu wangu, mucizi, mbuli munyoko a mulanda wako kabalangila ciindi eco kuboola, inga waba musyobo nguwenya wa mutumwa oyo uboola ku ciindi cimwi. I musyobo nguwenya! Uyo josya mbungano ku Ijwi. Leza, atu bikke ntalisyo ya ncico kacitana sika okuno. Katana kusika, atu bikke ntalisyo abusena akuba mabwe, kutenda, katuli bambilide kwima ku ciwezo a nguwe cindi Leza na mutuma, nkaambo Wa kasyomezya kuti Uyo cicita.

²²⁶ Lino, Ndi lizi, Nda cimvwa eco ka cijokela. Elyo, amuyeeye, a cipego ciniini Nce konzya kujata kutweluka kwa muuya, mwabona. Lino, mula vuna abo, cindi Ne kati Malaki 4. Pele andi mwaambile cintucimwi. Wa kati, "Jesu wakati, 'Ikuti na wakonzya ku citambula, oyu ngu Eliya wa kaambwa.'"

²²⁷ Pele ikuti na mwabona eco Nca kaamba mu—mu—mu Musalali Matayo, cipati 11 a kampango ka 6, "Ikuti na mula konzya ku citambula, oyu ngo nguwe wa kaambwa, a kuti, 'Nda tuma mutumwa Wangu kumbele lya busyu Bwangu.'" Oyo wakali Malaki 3, kutali Malaki 4.

²²⁸ Nkambo, muli Malaki 4, Wa kati, "Obu buzuba kabutana kuboola, nyika iya kuumpwa nkabela bantu baya kweenda ali njiyo; ku kuumpwa mbuli makuba." Mbo mbubo. Wa kali kwaambaula mpawo mutumwa kumbele lya busyu Bwakwe, oyo wakali Eliya, oyo waamba... .

²²⁹ Nse—Nse syomi muli ceeci coonse awa zintu zizunguluka sunu kujatikizya cikobela ca Eliya a zintu ezyo zyoone. Ndi... . Oonse mafoonie elede kusika, mubwini, ku kunyonganya cintu cini cindi caboola. Pele, andi mwaambile, kuyo buka mutumwa

ku mamanino aa bukkalo obu bwa Pentekoste a kumanizya cintu. Uyooba muntu omwe. Kutali nkamu, kutali kabungwe; pele muntu omwe. Mbo cibede lyoonse, alimwi Leza takonzyi kucinca bubambe Bwakwe, Ngu Leza Utamani.

²³⁰ Amuyeeye, ikuti na oyo mutumwa (Johane) wakali mutumwa wa Malaki 4, mpawo Magwalo akaalilwa, nkambo Lya kati, “Ciyo... i nyika iyo umpwa mbuli makuba, nkabela balulami bayo enda atala atwe lya babi.” Abooobo amu Ci bale, a kubona ikuti na ta ciluleme. Mwabona? Pele Jesu taakwe nakaamba booboo, Wa kaamba kuli Malaki 3, “Njo tuma mutumwa Wangu kumbele lya busyu Bwangu, ku kubamba nzila Yangu.” Mbo mbubo ncobeni.

²³¹ Lino, pele amuyeeye, oyu umwi umbi wa keelede kuboozezya lusyomo lwa bana kujokela ku matata, kuboozezya lusyomo lwa bana kujokela ku Lusyomo lwa matata, Bbaibbele litaanzi.

²³² Nce ncico ncobeni Musa nca kacita. Nce ncico ncobeni Jesu nca kacita. Eco ncencico ncobeni mutumwa aumwi nca kacita kwiinda mu Bbaibbele, ku ciindi camamanino ca bubenze obo, baka boozeyza mulumbe. I bantu, kwiinda mu tubunga a zintu, bakanyongana koonse a zintu zyoonse, mu mazuba ayo.

²³³ Baka cita cintu nciconya sunu! Aboobo tu langila mutumwa. (Leza, ko mutuma!) Sena muyeeya kuti tuyu mutambula? Peepe, munene! Uyo oba “muntu uunyongene a sikwiindilizya,” masimpe kwini, pele Leza uyo mutondezya. I musyomi wini, balo bakakanza ku Buumi Butamani, Jesu wakati, “Boonse abo Taata mbaka Ndi pa bayo boola, alimwi taakwe muntu ukonzya kuboola citakuti Taata Wangu wamu kwela. Elyo boonse Taata mba jisi” (ciindi cakainda) “ka Ndi pa, bayo boola.” Mbo mbubo, ba kali...

²³⁴ Nse syomi muli ceeći awa kwiiya kwa Baptisti kwa—kwa kukwabililwa Kutamani. Nda cisyoma mu nzila, pele Nda syoma muli kwabilidwe kufumbwa kuti muli mu Mbungano. Pele yebo kozwa i... kuzwa kunsi lya Bulowa bwa Jesu Kristo, yebo to kwabilidwe. Ndili kwabilidwe kuzwa ku mvula kufumbwa kuti Nkeli mukati muno.

²³⁵ Elyo cindi wa bapatizingwa mu Muuya Uusalala a *kwaamba* kuti ujisi Muuya Uusalala, elyo mpawo kukaka Ijwi lya Leza? *Kwaamba* kuti wakasyoma a kutambula Muuya Uusalala, elyo mpawo kukaka kuti Ijwi ndya bwini? Mpawo mbobuti eco mbo cikonzya kuba Muuya Uusalala kakuli Wa kali Umwi wakalemba Bbaibbele? I Muuya Uusalala ulakaka Ijwi Lyakwe Mwini, kwaamba, “Nda—Nda kalubizya, uli luleme”? Peepe, oyo tali Leza. Peepe, munene.

²³⁶ Cceba libosya! (Mwami, kotu tumina Mulumbe mupati.) Nce ncico nco tu yandaula. Mpawo, mubwini, cindi aboola kupanga mabwe ayo a kwaagela ku buyake, ncinzi ciyo citika? Bunji bwabo taba kazumini kusunkwa kwa Ijwi. Bayo yanda kabunga

kabo kabotu kwiinda mbo bayanda Ijwi lya Leza, nekubakuti Ijwi eelyo lyaka simpikizigwa kwiinda ku muntu oyo. Uyo oba musinsimi uyo boola mu Zina lya Mwami, nkabela uyo oba umwi uyo boola aa nyika. Nda cisyoma.

Oh, bantu boonse ba laamba, “Iyooba nkamu ya bantu.”

²³⁷ Ndi yanda muntuumwi kundi tondezya mu Bbaibbele awo mpo iyooba nkamu ya bantu; Leza inga watyola Ijwi Lyakwe Mwini, Ta konzyi kucita ceeco. Peepe, munene. Wa kasyomezya ceeci. Uyo oba muntu omwe. Elyo mpawo kuyooba bamwi a nguwe, mubwini, bali zyuulu, basyomi boonse ba Mbungano bayooba a nguwe, koonse.

²³⁸ Mbuli mbo kwakabede mu mazuba akwa Nowa, takukabi banji loko babo kufutulwa, nkaambo Jesu wakati, “Mbuli mbo kwakabede mu mazuba akwa Nowa.” Sena mulizi obo? “Mbuli mbo cakabede mu mazuba aakwa Lota,” (ko babala) “aboobo mbo ciyooba.”

²³⁹ “Majulu a nyika ziyo loba, pele Ijwi Lyangu tali kaciti.” Mwabona eco nce Ndi pandulula? Oh, mukwesu, ncibotu twa lingaula tumpangaliko toonse, inga kwaba kumukisywa loko kwiinda mbo tuyeeya. Inga twa sinsimuka buzuba bumwi a kubona kuti twa kaimpya cintucimwi. Amu cenjele! Amulangilile, amukombe, mulingule, muta Ci lekeli ku mwiindilila. Elyo, amuyeeye, cindi Ijwi lya Leza lya kambaukwa, Leza uli sinikizidwe ku Ijwi eelyo alimwi uyo Li simpikizya.

²⁴⁰ Mulizi eco Nca kaamba okuya, ncinzi cakacitika mu mazuba akwa Lota? Wa kati, “Mbuli mbo kwakabede mu mazuba aa Lota.” Ncinzi cakacitika kakutanaba buyo mulilo wakawa? Cintu ciya kucitika alubo mulilo kuutana buyo kuwa, ino musyobo nzi wa mulumbe Mbungano ngo iya kutambula? Kutali Sodoma lino, Mbungano insale. Kuba bamba buyo zyotatwe: kuli bana Sodoma; elyo kwakali Lota a nkamu yakwe, mbungano ya tulengwa; kwakali Abrahamu, Musale. Boonse botatwe babo bajisi mulumbe, iiyi, kwiinda ku batumwa bandeene. Amulangilile oyo musyobo wakaunka ku Mbungano yakasalwa, eco Nca kacitila Abrahamu. Jesu wakati, “Aboobo mbo ciyooba ku kuboola kwa Mwana wa muntu.” Lino, ta tukonzyi kukaka eco, obo mbombubo Jesu mbwa kaamba. Aboobo, mubwini ciyooba mu nzila eyo.

²⁴¹ Lino, banji...cindi Jesu nakasika a kuleta musunko a kuti, “Amulingule Magwalo, nkambo muli ngawo muyeeya kuti mujisi Buumi Butamani, alimwi nge ngawo ayo aa Ndi lungulula,” sa bakali kukonzya kuzunda kusunkwa? Peepe. Elyo kufumbwa muntu ulizi, koonse kulyaambilila kwa myaala abo batakonzyi kuzunda kusunkwa kwa Ijwi lya kasowelwa mu cilwi. Ca kakwamuka, maanzi akapauka, taku kazundi kusunkwa. Oh, muntu, mpawo utumwa ku cilwi cajisengele! Leza lyoonse wakabala bantu baziimo mibusena bwa myeelwe.

²⁴² Ndili mukujala. Nda usa kuti Nda mujata kwa ciindi eci coonse, tii Nda kanza kucita eci. Andi buyo ii—ii kaindi kaniini, bobilo, bamba kaambo aka kamamanino, mpawo Njo leka buyo mu kaindi kaniini. Nda syoma Nda—Nda—Nda amba cintucimwi caku mugwasya, mwabona, ku mubamba kwiiya. Mwabona?

²⁴³ Leza lyoonse wakabala ciimo, kutali mamembala. Elyo sunu tula cita bumbi. Tula bala mamembala, basama kabotu, basikupakamana, mibusena bwa ciimo. Uh-huh.

²⁴⁴ Elieza waka cipengela, kusikila wa kajana ciimo. Mbo mbubo. Nguni ngwa kalino jana? Elyo wa kasyoma Leza. Ciimo ca nzi? Ciimo ca Izaka, nabwiinga, cili ncikozhyano ca Mbungano. Nywebo mulizi obo. Olo lwakali lunyungu lwa kunyama ilwa Abrahamu; olu Lunyungu lwabwami ilwa Abrahamu. Ee, ikuti na Elieza, mutumwa ulavwima nabwiinga a kusola kujana ciimo, ikuti na oyo muntu wasika, mutumwa wa buzuba bwamamanino, kusola kujana Nabwiinga wa Kristo, ta kalangili bumembala bwatubungwe. Uya kulangila siciimo cibotu uli bambilide.

²⁴⁵ Amulangilile! Ciimo cibotu lutaanzi, mpawo kumu bamba kulibambilia kuyo swaana Izaka. Nakamana kujana ciimo, mpawo kumu jana kwiima nji kwa ciindi cikubwene kuswiilila ku mulumbe wakwe wa Izaka.

²⁴⁶ Oyo mutumwa wa mazuba aakumamanino, Mumuni waku mangolezya, nku saanguna kujana Mbungano eyo (nkokuli nkobayo syoma Mulumbe?), ku uvwima. Sa inga mwabala eco Nce kanana? Kuvwima kubusena eyo Mbungano nkoibede iyo kulekela kunjila, eyo itaka jali mulyango kumeso aako. Elyo mpawo cindi wacita okuya, mpawo wa jana ciimo. Lino ikuti na uyo ima nji kwa ciindi cikubwene ku mwaambila nzila Nabwiinga oyo mbwaelede kusamikwa! We elede kusamikwa. Koima nji! Ikuti na wakonzya kujana...

²⁴⁷ Amulange Rabeka muniini kaswiilila ku ijwi lyoonse, moyo wakwe muniini wakali kuuma. Waa...Wa—wa kali kumwaambila. Lino, mwa cipengela kapati, “Nkokuli Nkweyo unka?” kusikila Nda jana ciimo. Mpawo cindi Nda jana syakacite, mpawo kumu bamba kwiima nji kwa ciindi cikubwene kumu bamba kuya ku muswaana. Oh, ma, ino ncintu ciboteleyza! (Ni twali jisi ciindi cimbi ciniini aa nkoloko eyo.) Amu libamble; amwiime nji ku swiilila mulumbe wakwe. Elieza takali kukanana lwakwe, pele wa kali kukanana umwi ngwa katumwa. Elyo wa kajisi zipego zya kutondezya kuti wa katumwa kuzwa kuli nguwe. Amen! Wa kali kuyanda ku mukwatanya a zintu ezi. Nywebo mulizi obo mbwa kamubamba.

²⁴⁸ Ikuti na Nda konzya buyo kumucitya kusanzya busyu bwakwe! Mwabona? Nywebo mulizi, Nda—Nda limvwa buyo kulingulwa ali ceeco, aboobo ncibotu Nda zumanana zii.

Nekuba, Nda amba kunji, nywebo mulizi eco nce Ndili mukwaambaula. Ncibotu, amuswiilile, koima buyo nji.

²⁴⁹ Amubone, mutumwa wa ciindi camamanino, mulimo wakwe uyo bamba basalali kulibambilila, Nabwiinga kalibambilide Sibwiinga. Oyo uyooba Mulumbe wakwe. Lino uyanda kwiiya ma ABC kutegwa mukonzye kulangalanga alujebra kwamana? Cindi ezi zinamatizyo zimbi zili kusule zya kujulwa ziyo yububululwa buyo kuli mbabo. Mbo mbubo. Amwiye ABC lutaanzi. Niinzi ABC? “Lyoonse Amusyome Kristo,” (kutali buzumini bwanu bwabukombi), Kristo. Mwabona? Amusyome eco Nca amba, kutali eco muntuumwi umbi ncaamba.

²⁵⁰ Ikuti na ciliimpene, ikuti na muntu wa kwaambila, “Cili kabotu kuli nduwe kugela masusu aako, banakazi,” yebo ulizi kuti ulimu kweena. I Bbaibbele lyaamba kuti cili lubide. Ikuti na waamba kuti, “Inga waba daikona nkabela kocijisi bamakaintu bali musanu ababili na bosanwe,” uli mukweena. Eco ciliimpene ku Ijwi. Mwabona? Zyoonse ezi zintu zimbi nzo tu kanana, ko ciita ku Ijwi a kubona ikuti na Ijwi lili luleme.

²⁵¹ Kopilusya mbungano ku Ijwi. Lino, ino oyu mutumwa wa Malaki 4 weeleda kucita nzi? Kuboozezya kujokela Lusyomo lutaanzi, Lusyomo lwa bubuke. Kutu, bakabona Jesu Na kamana kubuka kuzwa ku bafu, waka Mu bona kabeleka akati kabo.

²⁵² Ba kali bantu ba majwi masyoonto. Ba kaunka a kukambauka Ijwi. Oh, baka kambauka ciindi cilamfu, Paulo wakakambauka busiku boonse ciindi cimwi. Mwabona? Ii muntu wakawa kuzwa mu buyake, wakalijaya mwini. Wa kabikka mubili wakwe ali nguwe, kamujosya ku buumi alubo, mwabona. Mwabona? Mwabona, kazumanana kukambauka.

²⁵³ Lino, amubone bakali bantu bandeene kwiinda Ph., L.L., Q.U.S.T., a kufumbwa mbo tuyanda ku ciita, sunu. Inzi? Kupambula mutumwa a...I Mulumbe, mubwini, ku mutumwa, uyo pambula basyomi kuzwa kuli batasyomi. Bamwi babo bayo njila muli Ndilyo, nkabela bamwi taba kaciti. Bamwi bana Lutherani... Bamwi ba Katolika bakali kweendelana kuli Luther, bamwi tiiba kacita. Bamwi bana Lutherani bakali kweendelana ku Methodisti, bamwi tiiba kacita. Mindando imwi ku Pentekoste, nkabela bamwi taba kaciti. Bamwi baya kweendelana a Mumuni waku mangolezya, bamwi taba kaciti.

²⁵⁴ Mbobuti mbo tuyooziba naa Mumuni waku mangolezya na pe? Ko cisunka ku Ijwi (kutali buyo Ijwi *lyomwe*, Ijwi *lyoonse* kubikkwa antoomwe), kubona naa cililuleme na pe. Oh, ino neinzi cili mukati? Mpawo ikuti na Mulumbe oyu waba akusimpikizigwa kwa Leza kucita eco Nca kaamba kuti Uyo cita, alimwi kaceendelana ku Ijwi, mpawo Ijwi lila simpikizigwa mbuli ziindi zimbi a basinsimi bambi mboba kacita.

²⁵⁵ Amubone cindi Mulumbe...cindi...Amubone cindi Mulumbe waakakwa ku bantu, elyo mutumwa uboneka

kuzundwa cakumaninina, ta konzyi kujana mulyango umbi, ta konzyi kujana busena.

²⁵⁶ Mbuli Mwami wesu mbwa kabede. Amuyeeeye, cindi Na kali... Oh, cindi Na kali kuponya baciswa, Musinsimi mukubusyi, "Oh, ma! Walo Mulombwana mupati!" "Kwaamba, Rabi, mbobutu mbo cita?" Pele buzuba bumwi Wa kakkala a kutilika kubaambila Bwini. Wa kajana luzyalo ku mbungano, bantu. Bali zyuulu baka Mu tobela. Wa kajisi bakutausi bali makumi ali ciloba baka Mu zungulukide, kunze lyabali kkumi ababili. Pele buzuba bumwi Na kamana kupanga zinkwa mu... na kunyona i... kuvuzizya zinkwa, ku tondezya kuti Wa kali Leza, nkaambo Leza alikke wakausya zinkwa kuzwa ku Julu. Inzya. Mwabona? Wa kavuzya zinkwa. Elyo kumane buyo eco... Wa keenda aa maanzi, kacita maleele, a kucita zintu ezyo Nzya akacita, kutondezya obo Mbwa kabede.

²⁵⁷ Elyo mpawo, cindi Na kacita, Wa kakkala ansi a kutilika kwaambila bantu cakusinizya. I bantu baka futata. Elyo bali makumi ali ciloba bakati, "Uh! Nguni ukonzya kumvwa Ceeci? Oko nkwaamba kukali. Ula zapaula eco nco twa kayeeya ncobeni kuti cakali cintucimwi cimbi. Lino, ino Nduweni ku twaambila zintu ezi?" Elyo ba kazwa.

²⁵⁸ Mpawo Jesu wakanyonena ku nkamu Yakwe niini, mbuli mu mazuba akwa Nowa, mbuli mu mazuba akwa Sodoma, kati, "Muyanda kuunka, anywebo?"

²⁵⁹ Mpawo Petro wakati majwi ayo mapati, "Mwami, nkokuli nko tunga twaunka?" (Leza, kotu gwasya.)

²⁶⁰ Amubone cindi Mulumbe wakakwa nkabela mutumwa uboneka kuzundwa, nce cindi Leza nabikka aa cilao, Mulumbe wakwe wamana.

²⁶¹ Nowa, (kujala lino), Nowa wakakambauka mu mulyango wa bwaato bwakwe kwa myaka ili mwaanda a makumi obilo, mane, cindi kumalekelo niba kamuseka cakusabula, Nowa waka njila mu bwaato kayeeya kuti i... inga caba buyo kabotu. Leza wakajala mulyango. Elyo bantu baka kkala koonse kubona eco cakali kuyo citika. Mazuba ali ciloba wa kakkala alya a kuupengela kapati, elyo aa buzuba bwaciloba mvula yakasika. Uh-huh.

²⁶² Musa, wakali nzi? I bulizi mbubonya bwa mulimo, kusololela bantu. I Lwizi Lusalala lwakaima mu nzila yakwe. Wa kali ku mamanino aa lweendo lwakwe. Ca kali mpawo kuti Leza wakasika a guwo Kujwe a kutobezya lwizi, ku mamanino aa lweendo.

²⁶³ Wa kali Daniele, kaimvwi aa mulumbe wakwe, "Nse kali sofwaazyi lwangu ku inyika eyi ya mwaami." Kaimvwi cabwini kuli Leza, wakali nkonya kunselelo ku mamanino aa lweendo lwakwe, kuboneka mbuli mamanino aa ciindi cakwe

mbwa kasika, baka muwaalila mu bulyango bwa balavu. Leza wakeenda aa cilao.

²⁶⁴ Elyo cifumo cimwi, kulaale kumusanza mu Babuloni... Amen! Nda konzya kulungumana ku Julu, Nda konzya kubona i—i Cuuno cabwami, Baangelo kabaimvwi koonse. Amulange kumusanza awa mu Babuloni, Nda konzya kubona ii—ii bbila lyamulilo. Nda konzya kubona bana botatwe kabaimvwi alya, kabati, “Leza wesu ula konzya kutuvuna.” Mwabona? “Pele ta tuko cikotamina cinkozya cako, nkaambo ciliimpene ku Ijwi.” Mwabona? “Tu liimvwi awa.”

²⁶⁵ “Ncibotu,” kaamba mwaami, “koenda kumbele lya matantilo, uyo umpwa.” Muntu mulemu waboya, ku mamanino a sumo lyakwe, mbaaba batanta matantilo, ntaamo a ntaamo, kupisya a kupisya.

²⁶⁶ Nda konzya kubona Angelo kaimvwi okuya, umwi, ku lubazu lwa Cuuno cabwami, kakwempa panga a kuli somona, kati, “Taata, kolanga kunselelo okuya, ncinzi cicitika! Andi selemuke, Ndime Gabriyeli, Ndiyo cinca cilao.”

²⁶⁷ “Kojosya panga lyako mu cikanda, Gabriyeli. Nda ka lilangilila.”

²⁶⁸ Mpawa kwaboola umbi, kati, “Taata, Ndili Wuuduwemu, Ndime sikunyonyoona antomwe a maanzi. Mu ciindi ca zambangulwe pati, muntu wakabisya a kudilika bantu Bako, elyo Nda—Nda kasandula nyika yoonse kuba ntundubwi ya maanzi. Ndiyo sanzya Babuloni kuzwa ku maapu cifumo cino. Andi inke.”

²⁶⁹ “Ndi lizi inga wacita, Wuuduwemu, uli Angelo uusyomeka. Mwabona? Pele, Nse konzyi kukulekela kuunka, eyi ni ncito Yangu. Nda unka, Lwangu.”

“Awa, Wa kaba bona?”

²⁷⁰ “Nda kabalangilila busiku boonse. Nda kamvwa muswaangano wabo wa mipailo. Nda kabona kwiima kwabo nkambo ka Ijwi Lyangu. Njo obako mu ciindi” Oh, ma! Nda konzya ku Mu bona kabuka a zikobela Zyakwe zyabulemu kaziwida ali Nguwe, mbuli boobo, a kwaamba, “Amuboole okuno, Kujwe, Kunyika, Kumusanza, Kumbo. Ntaamo kuya kensi lya munzumo oyo kutala, Ndiyo enda kutanta mbuli nkalaki cifumo cino. Ndi inka kumusanza mu Babuloni, Ndiyo cinca cilao.” Oh, mukwesu, Wa kali mpoonya awo aa ciindi!

²⁷¹ Liso lyakwe lili aa kayuni alimwi Ndi lizi Ula ndilangilila. Uci langilila sunumasiku, kandi langilila, Ula kulangilila. Wa kalangilila naa ni twa kazunda na kuta zunda, kusala oko nkotuya kubamba, naa tuyu ima bwini ku Ijwi na kuzwa kuli Ndilyo. Nkumuka maningi kwiinda mbo muyeeya.

²⁷² Jakobo, mu lweendo lwakwe kuya ku muunzi, wakananikwa kujoka ku muunzi, munyina wakali kumuswaana. Oh, pele

busiku bumwi wa kasinana a Leza. Wa kayoowa kuyo swaana munyina, pele cifumo cakatobela wa kali mweembezi, uusunkuta. "Nse yandikani Esau naanka mpi yakwe, nanka imwi," Leza waka boola aa cilao. Mwabona, Ula cita mu nzila nsalensale.

²⁷³ Jesu, waakakwa, kuzwa mukuba Mwana wa Leza waka simpikizigwa, kati, "Ikuti na Nse citi milimo ya Taata Wangu, muta Ndi syomi." Wa kali Mumuni wa buzuba (Walo ucili Mumuni!), katanta aa cilao. Elyo bantu, kufumbwa kuti Wa kali kukonzya... zinkwa a nswi a zinkwa, baka Mu tobela. Pele cindi Na katalika kubaambila Bwini bwa Ijwi, lya kabapambula, baka jisi tunsianziya twabo beni nto baka jatilide. Ca kali iimpene, nekubaboobo mulizi kuti Wa kali mbubonya mbuli Lugwalo. Pele meso aka ofwaazigwa aa inyika takali kukonzya ku Ci bona; nanka kuti bala cita lino, abalo bali mu bukkalo buli boonse, Nda amba, mbuli boonse. Ncinzi cakacitika? Ca kaboneka mbuli kuti Wa kazundwa.

²⁷⁴ Nywebo amubone, kuzwa ku ciindi eco nciconya, mpuwo Yakwe yaka Mu siya. Lili? Cindi Na katalika kubaambila Ijwi. Cindi Na kali kukonzya kuunka a kuba—a kuba a miswaangano ya kuponya a miswaangano yanguzu, bantubonse bakali ku Mu yanda, "O Rabbi, boola okuno!" elyo, "Rabi, boola okuno!" Pele cindi Njiisyu Yakwe niya katalika; "Oh, Lwiiyo Lwako lwaka nyonganya bantu besu." Oh, bubotu! "Oh, Nse konzyi kuba a Nduwe mu mbungano yangu limbi, Rabi, nkaambo, baa, Ula nyonganya bantu besu, Kuyisya Kwako kuliimpene loko kuli ceeco neco tusyoma." Ta cina cinca. Mwabona? Tacili obo. Inzya. "Konzyi kuba a Nduwe, Rabi!" Nekubaboobo Walo muku simpikizigwa, katondezegwa ku Magwalo Oyo Mbwa kabede, nekubaboobo tiiba kakonzya ku Ci syoma.

²⁷⁵ Kumalekelo Wa kazumanana kusikila ku ciindi camamanino, cindi Saatani nakayeyea kuti "Nda Mu jata," wa ka Mu bambula aa ciingano. Kunselelo, kunselelo, kunselelo, kusikila kumalekelo bakayeyea kuti bakali Mu jisi, baka Mu bikka mu cuumbwe. Pele nde ndilyo Leza nakatanta aa cilao. Atala kuzwa ku cuumbwe Na kabuka! Nkaambonzi?

²⁷⁶ I cintu nciconya, Paulo, wa kati, "Boonse... Demasi waka ndisiya. Bantu boonse baka ndisiya nkambo ka Ijwi." Nse syomi kuti Demasi wakainka ku manaiti kkilabbu a zintu. Pele Demasi wakali kuyanda kuunka, Demasi wakali muntu muvubi. Elyo wa kali kuyanda kuunka a nkamu yampuwo, elyo aboobo wakazwa kuya oko boonse bamwi babo nkoba kacita. Elyo mpawo Paulo wakati, "Bantu boonse baka ndisiya." Nkaambonzi? Mulimo wakwe, wa kali kuboola ku bbwelyansonje lya nguwo, kuselemuka ku mamanino.

²⁷⁷ Kuyandisya kwakwe kwa keelede kuba sikujailwa buzumini nkaambo wa kajaya Stefano, wa kapa bumboni ku lufu lwakwe

a kucizumizya. Wa kali kuyanda kufwa. Cindi i . . . Agabasi, oyo musinsimi uzizilwe, wakaima munsi lyakwe a kumwaambila kuta unka kutala ku Jerusalema, wa kat, “Ta ndizi kwiinka. Pele Ta ndili bambilide biyo kuunka, kuyo njila mu nketani a ku kwaangwa, ku Jerusalema, pele Ndili libambilide kuunka a kufwida Mwami Jesu.” Ino cakali cinzi? Wa kali kunamatika mulimo wakwe.

²⁷⁸ O Mbungano ya Leza muumi, inga twa ambaula busiku boonse. Mbobuti mbo tuyo namatika Mulumbe wesu? Mbobuti mbo tuyo cicita? Leza, kotugwasya kubweza Ijwi eli, koima basintaze. Andifwe ku Ijwi; kuponena ku Ijwi, kufwida ku Ijwi. Komwaya Mumuni, nkambo kuyooba Mumuni ku ciindi caku mangolezya. Tuli mu oora eelyo, beenzuma. Atu Li syome, mbuli mbo tukotamika mitwe yesu.

²⁷⁹ Lutaanzi, Nda lilekelela ku kumujata ciindi eci coonse, nkoonya ku maoora obile, oora a makumi one aosanwe, Nda yeeya, kwini. Nda syoma kuti taakwe caka nyonganya. Ta tweede kulebya. Kuti, ikuti na eco cili mu moyo wesu—ikuti na eco cili mu moyo wesu a buntu, nkokuti tuli lubide, tobeni, ikuti na swebo to bakambausi twaamba buyo zintu ezyo, bakwesu bangu awa, aba bantu bazwide Muuya Uusalala. Mwabona?

²⁸⁰ Cindi Ne kafutulwa alimwi Nda kaambila mweembeli wangu wa Baptisti kuti Nda katambula Muuya Uusalala, a zintu ezi zyoonse, ezi . . . alimwi Angelo wa Mwami waka ndaambila eco cakucita, wa kat, “Yebo weeleda kuti waka jisi ciloto ciyoosya, Billy.”

Nda kat, “Mwiiyi Davis, Nda kabona Angelo.”

²⁸¹ Wa kat, “Oh, bufuba!” Kat, “Obo—obo mbwa dyabulosi.” Mwabona? Oh, ma, obo eco mbo cindicisa! Wa kat, “Uyo kambauka ku bami a beendelezi?”

Nda kat, “Obo Mbwa kaamba.”

Wa kat, “A lwiiyo lwa giledi seveni?”

Nda kat, “Obo Mbwa kaamba.”

²⁸² Wa kat, “Nguni ngo yeeya kuti uyo swiilila? Kuunka kuyo kambauka kuponesegewa kwa Buleza mu buzuba mbuli obu, a kubbutukizya koonse kubotu kwa masilike a zintu?”

Nda kat, “Nse konzyi kucincia na mbangaye buti ba Goliati baimvwi aalya.”

Wa kaamba, “Nguni ngo yeeya kuti uyoo ku mvwa?”

²⁸³ Nda kat, “Ikuti na Leza ula ndituma, kuyooba muntu umwi uyo ndimvwa.”

²⁸⁴ Nse kazi kujatikizya ndinywe no bantu kaindi. Elyo cindi Ne kaboola kuli ndinywe, cakali buyo mbuli kusama maglovu mu maanza, Nda elela ncobeni a ndinywe. Nda muyanda. Nda muyanda. Nda muyanda bakwesu bangu ba mweembeli.

Muyeeya kuti muna Presbyteria, Methodisti, na Lutherani, inga yajula mbungano yabo mbuli mukwesu oyu mbwa jisi sunumasiku, kuli ndiswe kukkala awa a kukambauka musyobo oyu wa mulumbe? Peepe, munene, kutali nokuceya. Aba mbantu basintaze abo basyoma Bwini. Lino kweendelana a Ijwi a mbabo, mwabona, tantamuka kuzwa ku zintu zya inyika.

²⁸⁵ Bacizi, mulekele masusu anu kulampa. Kobikka madressi aako, kabotu a kabotu loko. Mause kuli nduwe. Gwisya misila eyo ku busyu bwako. Mwabona? Yebo ujisi Lugwalo lunji lwa kusama misila kwiinda yebo weelete kugela masusu aako. Mbo mbubo. Uta ciciti. Uta ciciti. I Bbaibbele lyakati ncintu cuubaukide ku mwanakazi kucicita. I masusu mbulemu bwakwe. Lino yebo wati, “Eco ncintu ciniini.” Eco cili kabotu, atu bweze zintu ziniini kuzwa mu nzila elyo mpawo inga twaambaula makani aa zintu zipati. Atu talike mpoonya.

²⁸⁶ Lino, bakwesu. Oh, ma! Anda ambe cintu comwe ku muntu. Mudaala, mukwesu wangu, ikuti na uyo lekela mukaintu wako kucita cintu mbuli ceeco, Nda usa nsoni kuli nduwe, a kutaminina kuba muntu wakazwide Muuya. Mause kuli nduwe, lekela mukaintu wako kuzumanana mu kagwagwa.

²⁸⁷ Alimwi kusama kwanu koonse kwankwela a zintu zyoonse mbuli eco, alimwi sena mulizi kuti Bbaibbele lya kaamba, Jesu wa kaamba, “Kufumbwa muntu uulanga mwanakazi caku musukama wacita kale bumambi a nguwe”?

²⁸⁸ Yebo wati, “Lino lindila aniini, mukwesu wangu, Nse kwe mulandu.” Nda syoma uli loko, mucizi wangu, tokwe kaambo mu mucito wakunyama. Pele ikuti na walitondezya lwako nkabela sizibi wakulanga, nkabela walitondezya lwako mbuli booboo, nguni ujisi mulandu? Uli obo, ku kulitondezya lwako. Mpawo ku buzuba bwa Lubeta, cindi oyo sizibi akwiingula ku bumambi, nguni ngwa kacita awe mu moyo wakwe? Yebo! Nkaambonzi? Nkaambo walitondezya lwako. Lino, obo Mbwini buyo.

²⁸⁹ Sa inga tocita, sa inga tocita, mucizi, kaka, mu Zina lya Jesu, akube kuti Ndi kulombe mbuli munyoko, ko lulamika?

²⁹⁰ Mukwesu, mause kuli nduwe ku kulilemeka ku ng’anda yako mbuli booboo, ko lulamika. Ndi—Ndi jisi bulangizi bubotu bwanu mbuli muntu. Mwabona?

²⁹¹ Beembezi abo batulekela bantu kunjila, amubweze madaikona a zintu zyoonse zimbi a ncito mbuli ezyo, a bamakaintu bobilo baumi, a zintu, sa tofwi bweeme, mukutausi? Sa to fwibweeme ku zintu ezyo? Elyo kubweza mamembala ayo omuya cindi nibakali kupona mu mamambe, a kufweba misanga yatombwe, a kucita zyoonse, alimwi akwalo kuta caamba kuzwa ku cibumbili. Mause kuli nduwe! Nda—Nda—Nda kukombela, mukwesu.

²⁹² Leza amu longezye. Ndamu lumba ku lukakatilo lwanu lwa kuyumuna a ndime. Lino, Nda libuzya . . .

²⁹³ I Mumuni waku mangolezya wasika. I Mumuni waku mangolezya uli waano, kujoka ku Ijwi.

²⁹⁴ Lino, a mitwe yanu kiikoteme, myoyo yanu kiikoteme, libuzye mubuzyo oyu, “Sena Nde lela ku Ijwi eli? Sa Nda cita?”

²⁹⁵ Mupailo wangu ngwakuti, kuzwa ku cibumbili, “O Leza, kosola zintuzyonse kuzwa kuli ndime zyatakali mbuli Nduwe. O Leza, kogusya kuzwa kuli ndime.” Tuli kunselelo awa ku mamanino aa lweendo.

²⁹⁶ Yaa, sa inga wasinizya obo kutambika maanza ako akuti, “Leza, kogonka kuzwa kuli ndime zintuzyonse zitali mbuli Nduwe. Kondi bamba, Mwami, kondi bumba a kundi bamba”? I Mwami aku longezye.

²⁹⁷ Ikuti na kuli umwi utaluleme, alimwi ngu sizibi alimwi wakaleya omuno sunumasiku, a kutazumina Kristo kuba Mufutuli, na sikuwa na cintucimwi, akuyanda kujoka, wa tambwa kuboola kwiimikila awa ku cipaililo. Ikuti na ula syoma kuti Leza inga wamvwa mipailo yangu ya balwazi, Nda syoma inga Wa ndimvwa. Elyo yebo a Ndime antoomwe mbuli mbo tubikka lusyomo lwesu aa Cituuzyo, Jesu Kristo, Mwana wa Leza, a kupa mupailo, Nda syoma Leza uyo mvwa. Mwa tambwa kuboola a kwiiminina mupailo.

²⁹⁸ Lino, Taata wesu Wakujulu, twapa kuli Nduwe nkamu eyi ya bantu, majwi aya atyokede ayo ali kobile, Mwami. Akwalo banji baka katala a kudekela a kuunka ku muunzi, alimwi ndiza bamwi bakalimvwa bubi anini, alimwi, Mwami, Nse—Nse konzyi buyo kuziba oyo uli mu bbunga ciindi coonse. Elyo, nekubaboo, Taata, Ndi Ijwi Lyako alimwi Uli zyi moyo wangu. Aboobo...elyo Ndili...Maawe kuli ndime ikuti na Nse cicit. Elyo Nde—Nde elede kucicita, Mwami. Aboobo Nda komba eno kuti bantu abo bajisi kumvwisya kwa Ijwi bayo mwisya kabotu, alimwi Ndili masimpe abo Mbo kaita ku Buumi bayo cita, kuti tacili cintu cili coonse mu nyika pele moyo uuzwide luyando lwa Leza a Mbungano Yakwe eyo Nje nda kumbilila zintu ezi.

²⁹⁹ Taata, mukasimpe janza lyonse omuno lya tambikwa ku kupalulwa, ku kutendwa lonse lulomo luta zulilwi okuya. Leza, kotu gwasya toonse. Nda imikila ncobeni a mbabo, Mwami. Ndili umwi wabo, Ndi langilila kuboola kwa buzuba obo bukkomanikide bwa Mileniamu cindi cibi a mause nayo nyonyoonwa kwalyonse. Elyo, Taata, kuciindi notuli mu inyika eyi tu lizi kuti tu leendelezegwa ku zintu ezi, tula konzya kulubizya, tula konzya kubisya, tu ceenda, elyo nekubaboo ta tuyandi kucicita. Mboli Bbaibbele mbolya kaamba, “Muta wisyi cindi mwa tapatilwa.” Pele Nda lomba, Taata, kuti kutapatilila kwa Ijwi kulandi tenda canguzu mbuli mbo kutenda bamwi babo. Elyo Nda komba, Taata, kuti bayo cimvwisya nzila eyo.

³⁰⁰ Nda komba kuti Uyo balongezya lino. Elyo akube kuti eci, mbuli mbo twa kakomba kale, Mwami, mukuziba a kulangilila

eco nco twa lomba, nkaambo ta tuyandi kulomba balemekwa, ta tuyandi kubuzya cintucimwi eco ceelede kubamba buyo majwi, nkaambo twa ambaula kuli Nduwe.

³⁰¹ Nda Ku lomba kuti ulelekwe mukwesu wesu muniini okuno oyo wajula mulyango wakwe kuli ndime kuboola sunumasiku. Nda komba kuti Uyo longezya mbungano yakwe alimwi akube kuti umwi aumwi wa mamembala akwe, Mwami, buyo... Akube kuti eyi ibe ngazi ya mumuni, busena oko zipego zya Leza nko zikunka a zintuzyonse kazibeleka buyo kabotu.

³⁰² Longezya bakutausi boonse bakkede awa, mambungano abo. Elyo akube kuzungaana booboo, na kuvuuma mu samu ly a malubbani, kwa Muuya wa Leza kuzabuka Phoenix, a kuleta mambungano ku luswaanano a ku—a ku lubukulusyo lupati, kuti bakutausi taba kakonyzi kukambauka, nkambo ka Bulemu bwa Leza; pele cindi basalali baboola antoomwe cakufwambaana isikati, kulila a kukomba a kupa bumboni a milumbe, kutilwa kwini kwa Muuya, cindi muunzi woone wa kwelelezegwa kuboola, amuswiilile. Ko cipa lino.

³⁰³ Ponya balwazi akati kesu, Mwami. Kopa kuli mbabo lwaanguluko lwa Buleza, Taata, kwiinda mu Zina ly a Jesu Kristo.

³⁰⁴ Lino a mitwe yesu kiikoteme, ikuti na kuli umwi awa uyanda kwiima kuzunguluka cipaililo lino, elyo kuciindi notu kotamikide mitwe yesu, elyo tula ng'ung'una lwiimbo luniini, i—i—i lwiimbo lwa Makani mabotu, lwakaindi. Elyo tu yanda ku ng'ung'una eco. Elyo cindi twa cita, ikuti na kuli umwi uyanda ndiswe ku kukombela, ku i—i luzibo lusakene maningi, ku kutambula Muuya Uusalala, na waka futulwa nkabela tona salazigwa, na kufumbwa, tuyo kkomana kucita ceeco kuciindi notu ng'ung'una lwiimbo olu luniini, *Nda Mu Yanda*. Elyo ikuti na mula Mu yanda, atu lemeke Ijwi Lyakwe lino.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

³⁰⁵ Kuciindi noba boola, Ndi yanda kuti umwi aumwi abweze busena bwakwe awa lino. Yaa, mucizi.

...Mu yanda, Nda Mu yanda
 Nkaambo Wa...

Ko boola lino, kuzunguluka cipaililo, yebo noyanda kuboola lino.

...ndiyanda
 A kuula lufutuko lwangu
 Aa Kalivari ya...

³⁰⁶ Nkaambonzi nywebo no bacizi bamwi bajisi masusu mafwaafwi amuboole atala awa a kusyomezya kuli Leza? Mu

yanda kuti ndi cimubalile ndinywe kuzwa mu Bbaibbele? Ncibotu. Sa inga toboola, kwaamba, "Mwami, Ndi yanda kululama mu zintu zyoonse, elyo Ndi yanda kutalika mpoonya. Elyo Ndi yanda kuba mu lweendo lwa kululyo a kukkanala awo. Ndiyo bamba cikonke kuli Nduwe sunumasiku, Mwami. Ciyo komena kuzwa lino"?

³⁰⁷ I Bbaibbele lyakati mause ku mwaalumi kuba a masusu malamfu, kiboneka mbuli mwanakazi. Leza wakapanga zipangano zyobilo, omwe antomwe a Adamu a omwe antomwe a Eva. Wa kabasamika bwandeene. Bali indeene, kumaninina. Ba kaliindene lyoonse. Kuli zipangano zyobilo zyakali kuselemukila moonya mu Bbaibbele. Ndi yanda kuyo kambauka aa cipangano eco cabubili busiku bumwi, ciindicimwi, kumutondezya lwandaano mbo lubede. Oh, ma, ncibotu loko. Kwalo kuli mu kaambo kako ka lukwatano a kulekana, ikuti noli kuzi buyo bwini ali nkako, inga kwa bamba makani onse. Mbo mbubo. Yaa, alubo lino, kuciindi notuli masimpe lino. Boola, sa tokocita?

Nda Mu yanda . . .

Sena uyandika Muuya Uusalala? Ko boola atala, koimikila koonse.

Nkaambo Wa kasaanguna kundi yanda
Elyo . . .

Yebo uyanda kweenda munsi loko a Nguwe? Boola, bamba cikonke, kwima munsi Lyakwe a kucibamba. Ta cikagwasyi kubamba cikonke citakuti wa cibamba.

Aa . . .

Inga waboola kubamba cikonke cako. Leza weeledé kucizuzya. Ko jatilila buyo cikonke cako.

³⁰⁸ Lino Ndiyo lomba bakwesu bangu bakutausi ikuti na mula selemuka lino kuzunguluka awa, kwii mikila nkoonya kuzunguluka bantu aba bayandisi kuciindi notu komba mpoonya awa, kanana kuli umwi aumwi, amulombe kubula kwabo lino kuciindi notuli ano.

³⁰⁹ Nyoonse amubatame buyo mbuli mbo mukonzya kuba. Lino, Leza ula kulemeka, kobatama buyo ncobeni mane mupailo oyu wapegwa. Inga wa boola nkoonya kunze lino, omu, kunze, atala akusule lya bantu aba baiminina mupailo awa.

Aa cisamu ca Kalivari.

³¹⁰ Lino alubo, kuciindi nokuli bakutausi bali mukubungana ku mabazu obilo.

Nda Mu yanda, Nda . . .

Ndi yanda kubona kuti, bakutausi ba tubunga twandeene, boonse muli omwe lino; oko nkuunsi lya Bulowa.

Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari. (Ma!)

³¹¹ Lino koenda kumbele, bakwesu, nkoonya ku muntu wako uli imvwi munsi, bikka janza lyako aali mbabo a kubalomba eco ncoba yanda kuzwa kuli Leza. Eci ciindi cibotuloko? Nywebo mulizi, cindi Nda bona ceeci, amulange awa, bakutausi ba mambungano aindene, kabaimvvi antoomwe. Bacizi abo balede mutulo babuka, kuzwa, akuunka. Alumbwe Mwami. Lilumbide loko kuli ceeco, nkeimvvi mu Zina lya Mwami.

³¹² Lino, akube kuti bbunga lino, nyoonse mukotamike mitwe yanu. Umwi aumwi wanu lino, mu moyo wanu, koamba buyo kuli Leza mbuli kuti inga mwaambaula kuli ndime; mbuli kuti inga waboola a kwaamba, “Mukwesu Branham, Ndi—Ndi . . .” Ikuti na wacita cintucimwi cilubide, kwaamba, “Nda usa, Mukwesu Branham. Nda—Nda kacita ceeci, sa ula ndijatila kuli ncico? Njo bamba cisyomezyo kuli nduwe, Mukwesu Branham, Ta ndika soli ku kulwana ceeco alubo.” Lino amu cince buyo kuzwa ku zina lyangu, kuzwa kuli ndime, ku Mwami Jesu Kristo wanu.

³¹³ Elyo ikuti na uyanda kuponesegwa, mbuli kuti inga waboola kwaamba, “Mukwesu Branham, Ndili—Ndil tyokede, Nse jisi cilalilo cili coonse sunumasiku, alimwi, inzya, Ndi lizi ikuti na ujisi dollar inga wapa kuli ndime.” Lino, mwabona, toeleded kwaamba kuli Leza, “Ikuti na Ujisi nguzu zyakuponya.” Uli cijisi, mwabona. Inga weeleded kwaamba kuli ndime, “Ikuti na uli cijisi.” Pele kuli Nguwe toeleded kwaamba kuti, “Ikuti na Uli jisi.” Uli jisi! Mwabona? Aboobo yebo wati, mbuli, “Mukwesu Branham, sa inga wandipa dollar? Ndi—Ndi—Ndi yandikana cintucimwi ca kulya.” Baa, mubwini inga Nda, nywebo mulizi obo. Ikuti ni Ndali jisi inga Nda upa kuli ndinywe, kufumbwa ciindi. Inga ndaba a moyo mubyabi ikuti Nse cita. Elyo mebo, mukuba muntu mubi, silunya, alimwi uyooba amoyo mubotu ku muntuumwi mbuli nduwe, ino Leza uyooba buti?

³¹⁴ “Ikuti na nywebo mukuba babi mulizi nzila ya kupa zipego zibotu, nkunji buti Uso Wakujulu nkwayo bapa Muuya, oyo waka Ubuzya.” “Ikuti na mwalomba nswi, sa inga Wa kupa nzoka? Amulombe cinkwa, sa inga Wa mupa bbwe?” Nee ncobeni!

³¹⁵ Baa, ikuti na wa Mu lomba buyo mu nzila eyo, a lusyomo, kusyoma kuti, inga mwa cijana kuzwa kuli Nguwe ziindi zili milioni zya buumi kwiinda mbo mukonzya kujana cintu cili coonse kuzwa kuli ndime. Elyo nywebo mulizi inga Nda mugwasya, inga Nda cita kufumbwa cintu Nce konzya. Kufumbwa umwi wa bakwesu aba inga, inga twasya boonse kkobili kuzwa mu nkomo yesu ku mugwasya. Inga twa cita kufumbwa cintu nco tukonzya. Pele eci ncintucimwi nco mweelede kusyoma ku lusyomo.

³¹⁶ Lino, ula syoma kuti uya kucitambula kuciindi notupaila, ayebo kopaila, a bbunga lipaile, alimwi Nda syoma Leza uyo seluka a kulemeku mupailo wesu. Elyo kaindi nkakonya wa limvwa kuti uli Ujisi, kuti Leza uyo ingula mupailo wako, mpawo wakabamba cipangano, "Mwami, Nda kalubizya, Nse kaciciti limbi. Ndiyo tambika janza lyangu, Nda Ku syomezya kuti Nse kaciti," Leza uyo kutola ku ijwi lyako. Alimwi kocisyoma buyo munzila eyo nkabela coonse cilamana. Mpawo amutambike buyo maanza anu a ku Mu lumba, "Mwami, Nda bamba cikonke cangu. Elyo Ndi lizi kuti nci Cako, alimwi Wa kasyomezya kuciingula, nkabela To konzyi kukakilwa."

³¹⁷ Taata Wakujulu, swebo, balanda Bako, twaima ku nkamu eyi abo baboola kumbele kabayanda zilongezyo Zyako a kuswiilila Kwako ku ciindi eci. Taata, balo nzilumbo zya Mulumbe, ciindi ca Mumuni waku mangolezya. Bunji bwabo, Mwami, bali muku lyaambilila. Bamwi babo bali mukubula kupengana. Nda komba, Leza, kuti mu Zina lya Jesu kuti To kagwisyi umwi wabo, nkaambo Uyo bamba Ijwi Lyako. Ndi leta Ijwi Lyako ku kwiibaluka Kwako, Mwami, mbuli Petro mbwa kacita alimwi a basikwiiya ciindi niba kakomba mu Incito 4, ba kati, "Mwami, koyeeya Ijwi! Nkaambonzi bahedeni ncoba tingilila a bantu ncoba yeeyela cintu cabuyo?"

³¹⁸ Lino, Taata, twa leta Ijwi Lyako. Wa kati, "Oyo usyoma Ndime ujisi Buumi buteeli. Oyo uboola kuli Ndime Nse ka mutanda kuli koonse. Oyo uumvwa Majwi Angu a kusyoma Oyo waka Ndi tuma ujisi Buumi Butamani, alimwi taka booli ku Lubeta pele wazwa ku lufu kuya ku Buumi."

³¹⁹ Oh, bamba nkumbizyo zyesu kuzibwa kuli Leza, nkabela Uyo tuvwiila. Uli maningi cantangalala . . . "Oyo uyo lyaambilila zibi zyakwe uyo jana kujatilwa. Oyo usisa cibi cakwe taka jani coolwe." Elyo twa lyaambilila bulubizi bwesu. Nda bwaamba bulubizi bwa bantu. Nda lyaambilila bulubizi bwangu. Nda lombela luse. Nda lombela kuponesegwa. Nda lombela luzyalo. Nda lomba kuti Uyo tila Muuya Usalala, Mwami, ndyoonya lino aa bantu aba balindila, kuti maumi abo ayo cincwa mu kubambwa kwa Leza, alimwi uyo bambwa mu cinkozya ca Mwana wa Leza, kuti Muuya oyo waka Mu pononosya, abo bayo boola mu mibili yabo a kubabamba kuba bana balombe abasimbi iba Leza. Ko cipa, Mwami.

³²⁰ Tula syoma kuti Nkoli. Tula syoma kuti Uyo zwidilizya Ijwi Lyako. Tula syoma kuti Uyo zwidilizya nguzu zya Ijwi. Lino kotuma zilongezyo ezi aa bantu aba mbuli mbo balindila Busyu Bwako ku baswaya awa aa cipaililo. Mu Zina lya Jesu.

³²¹ Lino, ikuti na mula syoma, a kusyoma kuti mwatambula, amutambike maanza anu kuli Leza. Ikuti na wa cizumina mbuli mupailo wa lusyomo a cikonke cako mbuli mbo langa lino kuli Leza, tambika maanza ako.

³²² Elyo lekela bbunga kwiimikila. Bantu boonse, amwiime, abo bayanda kubamba cikonke kuli Leza, eno amwaambe, “Nda Bu syoma. Nda Bu tambula. Nda Bu syoma.”

³²³ Lino amu tambike maanza anu aku Mu lumbaizya alimwi kuyooba koonse. Bulemu kuli Leza! Ndaku Lumba, Mwami Jesu, ku bubotu Bwako a luse Lwako, a kuli zyoonse Nzo katu citila, Mwami. Twa Kupa kulumbaizya kwiinda muli Jesu Kristo. 

MUTUMWA WAKU MANGOLEZYA TNG63-0116
(The Evening Messenger)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwatatu mangolezya, Mukazimaziba 16, 1963, ku Pentecostal Church Of God mu Mesa, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org